

Abya melóméló Jisɔs Kras ndere JɔN ásamé

Mekomejɔ́ ayi achwáó ne geɲwá

¹ Gemegé nnó mme yina alɔ, mekomejɔ́ abɔ alú me. Mekomejɔ́ yimbɔ abɔ alu ne Ɛsɔwɔ ne mekomejɔ́ yimbɔ abɔ alu Ɛsɔwɔ. ² Abó alú mé ne Ɛsɔwɔ té ula ulɔ́.

³ Unó uko ebi Ɛsɔwɔ akwyéé uké ne ji. Ji ábé dampɔ, mmbɔ yé geno gema gepɔ. ⁴ Mekomejɔ́ yimbɔ ne awyaa geɲwá. Ne geɲwá eyigémbɔ gelú lé geɲgbɔ mbaá akwaá. ⁵ Geɲgbɔ eyigémbɔ gegené gé né mmu gemmua, yémbɔ gemua gékágé kweré gejí.

⁶ Ɛsɔwɔ abó atɔ mende fɔ ayi ákuú ji nnó Jɔn, ⁷ Jɔn achwá ndere ntesɛ, mangaré akwaá genó eyigé geɲgbɔ eyigémbɔ gelú, nnó ebwá awú áfyéé metɔ́ ne gejí. ⁸ Jimbɔ́ apófɔ geɲgbɔ eyigémbɔ, achwá lé nkane ntesɛ mampye akwaá ákaá geɲgbɔ eyigémbɔ. ⁹ Geɲgbɔ eyigé wáwá lé, eyi gegené gé mbaá yéndémuú, gebɔ gechwáó fa né mme.

¹⁰ Ji abó alú fa mme, ne yé élé mme ayi Ɛsɔwɔ akwyɛ akené ne jí, bɔ́ mme akaá fɔ́ ji wá. ¹¹ Ji achwá né melɔ wuú, bɔ́ melɔ wuú ásé fɔ́ jí wɔ. ¹² Yémbɔ bɔ́ ako abi áselé ji, áfyéé matɔ́ ne ji, áchyéé ebwá ebwɔnyɛ mambɛ baá Ɛsɔwɔ. ¹³ Gefɔ́ eyigé ábyéné ebwá, gepófɔ ndere akwaá ábyene baá. Ne epófɔ ntó ndere akwaá ákelegé, epófɔ ntó

ndere nte akεlege. Nebyene bwɔ netane mbaá Εσωω.

¹⁴ Mekomejɔɔ yimbɔ, abwɔlé mekwaá, ajwɔle fa mme ne ese, alere galógálɔ ayi apwɔ amu ne ajógé depɔ etire delú wáwálé. Degé enoge ewé ji awyaá, ewé ji aséle mbaá Nte wuu ndere danchi Maá.

¹⁵ Jɔn agarege bɔɔ geno eyigé ji agene getóme ne Jisɔs, ajógé kenke aké, “Gegé muú ayi njɔógé nya nnó, ‘Ji ayi achwɔɔ mbɔ me meso apwɔ me, néndé gemegé nnó ábyé me, ji abɔ alu mé.’”

¹⁶ Ne gétúgέ galógálɔ wuu apye ese ako debɔ nebɔ matimati. ¹⁷ Mabé Εσωω aké ne Mosis yémbɔ galógálɔ ne wáwálé áke ne Jisɔs Kras. ¹⁸ Yé muú ama ayi agene me Εσωω apɔ ekose danchi maá wuu. Ji alu ntó eke Εσωω. Ji ayi alu fíi ne nte wuu ne apye bɔɔ akaá gefɔɔ eyigé nte alu.

Mekomejɔɔ ayi Jɔn menwyaá bɔɔ manaa Εσωω ágarége

(Mat 3:1-12; Luk 3:1-18)

¹⁹ Akpakpa bɔɔ Jus né Jerosale áto ámpyεé upε Εσωω ne ámpoɔ ámpyεé upε Εσωω nnó áchwɔ ágií Jɔn nnó ji alú waá? Agigé mbɔ,

²⁰ Jɔn ashya fɔ mangaré ebwɔ wáwálé wɔ. Ge na ne ji agare, aké “Me mpɔfɔ Muú yi Εσωω akweré ji elá gefwa.”

²¹ Agí ji áké, “Ne wɔ ɔlu waá? Nnó wɔ ɔlu elé Elija.” Ne Jɔn ashuu ebwɔ meko aké, “Ngba me mpɔ.” Ama ágií ji áké, “Nnó wɔ ɔlu muú ekpávε Εσωω?” Ama ashuu ebwɔ meko aké, “Ngba.”

²² Aké, “Wɔ ɔlu waá yeé, shuu esé meko ayi deyyε garé bɔɔ abi atɔmé esé. Wɔ mbɔɔ ɔké ɔlu waá?”

23 Ne Jɔn ashuú ebwó meko aké, “Me nlu meko muú fɔ ayi ábéne né mashwone nnó, nyage meti Ata ebe cho; mbɔ ne Asaya muú ekpávè Èsɔwɔ abɔ ajɔ́.”

24 Bɔ́ dentɔ́ bina álu ntó ekwɔ bɔ́ Farasi, 25 Ne ágií Jɔn áké, “Ulannó wɔ ɔwyagé bɔ́ manaá Èsɔwɔ mbɔgé ɔpófɔ Muú yi Èsɔwɔ akweré ji elá gefwa, yé elé Elija yé ebé elé muú ekpávè Èsɔwɔ ayi abɔ agare nnó achwɔ́?”

26 Jɔn ashuú ebwó meko aké, “Me, nwyage enyú ne manaá Èsɔwɔ mamímamí, yémbɔ muú fɔ alú fa metɔ́ metɔ́ enyú ayi délá kágé ji. 27 Achwɔ́ mbɔ me meso, me nkwané yé muú ayi akágé manyíí unó uka ebií wɔ́.”

28 Unó bi na uko upye né melɔ Betani né egbé ebéé Jodan mbaá Jɔn awyagé bɔ́ manaá Èsɔwɔ.

Jisɔs alu maá egɔɔme Èsɔwɔ

29 Bií uyyagé Jɔn agé ndere Jisɔs achwɔ́ eta wuú, aké, “Gégé maá egɔɔme Èsɔwɔ ayi akpáné gabo akwaá fa mme. 30 Ji ne me mbɔ njɔ́ge ntome ne ji nnó, ‘Muú fɔ achwɔ́ mbɔ me meso ayi apwɔ́ me néndé gemége nnó ábyé me ji abó alu mé.’ 31 Me mbɔ́, mbɔ nkaá fɔ ji wɔ́. Yémbɔ ula bi me nwyagé bɔ́ manaá Èsɔwɔ úlú elé mampye bɔ́ Isrèli akaá ji.”

32 Ne Jɔn agaré bɔ́ geno eyigé ji agene, aké, “Ngé Mendoó Ukpea ndere etané mfaánebuú eké gepwine echwɔ́ tène ji mmye. 33 Me mbɔ́, nkaá fɔ ji wɔ́, yémbɔ muú ayi atómé me nnó nwyaá bɔ́ manaá agaré me aké, ‘Muú ayi ɔgené Mendoó Ukpea éshúlege etené ji mmye, ji yi mbɔ ne alú muú ayi awyagé bɔ́ ne Mendoó Ukpea.’ 34 Me ngé

ndere epyembɔ ne Jisɔs, ne ngarege enyú nnó ji alú Maá Eɔwɔ.”

Baá utɔ́ abi Jisɔs abɔ́ mbɛ akuu

³⁵ Bií ebifɔ uɟyágé, Jɔn ama atɛné eféé ne baá utɔ́ bií aɛɛa. ³⁶ Nɔ́ere agéne Jisɔs akɛne ajyɛ, ajɔ́ ne baá utɔ́ bií aké, “Gégé maá eɟɔɛme ɟɛɟɛgé Eɔwɔ mbɔ.”

³⁷ Ne baá utɔ́ bií bimɔ aɛɛá áwúgé ndere Jɔn ajɔ́ mbɔ, ákwɔlé Jisɔs. ³⁸ Jisɔs ábwólégé ushu meso agé ebwɔ́ ndere akwólégé ji, áɟíí ebwɔ́ aké, “Enyú dekélégé ndé?” Ebwɔ́ aké ne ji “Rabi wɔ ɔɟwɔlege efɔ́” (Ula Rabi utɛne nnó menleré).

³⁹ Aké ne ebwɔ́, “Chwɔ́ge dégé mbaá ayi me njwɔlege.” Ebwɔ́ ákwɔlé yé ji áɟyɛ gé mbaá awu, alá ewú ábelé ne ji bií bimɔ. Gébé eyigémbɔ ɟéɔ́ ɟélú kálánká eni né nkwale.

⁴⁰ Ne baá utɔ́ bina aɛɛá abi áwuú ndere Jɔn ajɔ́ ákwɔlé Jisɔs, ama ele Andru meɛmo Simun Pita. ⁴¹ Andru abɔ́ mbɛ akelé meɛmo wuú Simun. Agégé ji, agaré ji aké, “Eɔ́ degé Muú yi Eɔwɔ akweré ji elá gefwa.” Mabɔ́ ami na, malu wye mabɔ́ mami mamaá ne Kras. ⁴² Asé yé Simun afé mbaá Jisɔs ne Jisɔs apé ji domeé, aké, “Wɔ ɔkamege Simun maá Jɔn, akuú nyɛ ntó wɔ nnó Sefas.” Sefas alu wye mabɔ́ mami mamaá ne Pita. (Ula Pita utɛne nnó etárávé.)

Jisɔs akú Filip ne Nataniɛl

⁴³ Bií ebifɔ uɟyágé, Jisɔs akpome mmyɛ manɟyɛ Galilíí, ndere ajyɛé agé Filip, ajɔ́ ne ji aké, “Kwólé me.”

⁴⁴ Filip ntó atané Betsada maá melɔ́ ayi Andru ebwɔ́ ne Pita atane wye. ⁴⁵ Filip akɛle Nataniɛl. Agégé ji, agaré ji aké, “Eɔ́ dégé muú ayi Mosis

asamé né mabé atome ne ji ne bɔ́ ekpávé Ɛsɔwɔ ntó ása ato ne ji. Alu Jisɔs muú Nasaret maá Josef.”

⁴⁶ Nataniel akale aké, “Ɛ é! Genó gelógéló ntó gétánege né Nasaret.”

Filip aké, “Chwó kpa amɛ jyɛ ɔgé.”

⁴⁷ Jisɔs agégé ndere Nataniel achwɔ́ ɛta wuu, aké, “Gé maá Isrɛli ayi wáwálé na. abwɔ́lége fɔ dembwɔle.”

⁴⁸ Nataniel agii ji aké, “Ɔpyɛ nnó ne ɔkaá me?” Jisɔs ashúú ji meko aké, “Gemɛgé nnó Filip akú wɔ, me ngé me wɔ né ulaá genɔ́ ɛyigé ákuú nnó fig.”

⁴⁹ Nataniel awúgé mbɔ, aké, “Ménleré wɔ ɔlu Maá Ɛsɔwɔ, ɔlu nto mfwa bɔ́ Isrɛli.”

⁵⁰ Jisɔs aké ne ji, gétúgé ngaré wɔ nnó ngé wɔ né ulaá genɔ́ ɛyigémbɔ, “Ne ɔfyɛé metɔ́ ne me? Ɔgéne nyɛ ukpékpé unó bi upwɔ́ ɛbi.” ⁵¹ Ama ajɔ́ aké, “Ngarége ɛnyu wáwálé nnó, dégéne nyɛ nkane mfaánebuú anenege ne makiénné Ɛsɔwɔ akwɔme áshulege ne mfaa Maá Nte Mekwaá.”

2

Neba né melɔ Kana

¹ Bií ɛbifɔ́ uyyagé, né ndɔ ɛyi ɛgbeé ɛléé, neba nefɔ́ ne bɔ́ nɛlú né melɔ Kana né gebagé mewaá Galilí, mma Jisɔs abɔ́ alú wyɛ. ² Alɔ ntó Jisɔs ne baá utɔ́ bií né neba ɛníné mbɔ. ³ Ne mmɔ́ ɛpaá ɛwémbɔ mabyɛgé mma Jisɔs ajɔ́ ne ji aké, “Mmɔ́ bwɔ́ mabyɛ.”

⁴ Ne Jisɔs ajɔ́ ne ji aké, “Mma ɔgaré gé fɔ́ me genó ɛyigé mbɔ́ mampyɛ, gébé ya gélú gakwáne.”

⁵ Yémbɔ mma Jisɔs ajɔ́ ne baá defwɛ abi áne ne ankéé aké, “Pyɛgé yéndégenó ɛyigé ji agarege ɛnyú nnó dépyɛ.”

⁶ Eké epyémbɔ, bɔ nkwɔ manaá fɔ akené álú eféé kwɔkwólé abi bɔɔ Jus áchwéle manaá wye ne áshwónége byɔ bwɔ manemmye mbaá Ɛsɔwɔ ndere gepɔgé bwɔ gélú. Nkwɔ ama akpene baá bɔ nda manaá esaá yé esaá meso efya.

⁷ Jisɔs ajɔɔ ne baá defwe abi ánéne aɲkéé aké, “Fyegé manaá magbeé né bɔ ɲkwɔ bimbɔ.” Afyegé manaá magbégé lábé lábé, ⁸ aké ne ebwɔ, “Chwegé amifɔ déchye memgbare epaá.” Ne ápye wye ndere ji ájɔɔ. ⁹ Ne memgbare epaá afwórégé manaá amimbɔ, ami mabwɔlé mmɔɔ, akaá fɔ mbaá ayi mami matané wɔ. Yémbɔ bɔɔ abi áchwélé manaá amimbɔ ákaá. Ne megbare epaá akuú menɔ neba atené baba, ¹⁰ ajɔɔ ne ji aké, “Yéndémuú anegé epaá, abɔɔ kpe mbe achwɔ ne mmɔɔ malómál. Bɔɔ ányúgé me kpaá ápwagé ne achwɔ ne ami mabomabo. Ne wɔ ɔbelé mmɔɔ ami malómál mala kpaá té nana”?

¹¹ Ge gepɔge ufélékpa mbe eyigé Jisɔs apyee na. Apye geji né Kana né gebagé mewaá Galilíí. Apye mbɔ manlere gepɔgé uto bíí. Ne baá utɔɔ bíí ágégé mbɔ áfyéé matɔɔ ne ji.

¹² Epaá ewémbɔ ebyégé, Jisɔs ashulé afé né Kapanɔm ne mma wuú, aɲmo bíí ne baá utɔɔ bíí, eféé ne ebwɔ ábelé mboó ndɔ.

Jisɔs abú bɔɔ bi ákpɔɔ unɔ né mmu ɛcha upɛ Ɛsɔwɔ (Mat 21:12-13; Luk 19:45-48; Jɔn 2:13-22)

¹³ Epaá koó upú bɔɔ Jus elágé kwɔkwólé Jisɔs akwɔ afé né Jerosale. ¹⁴ Akwónégé, akpe né mmu dachi ɛcha upɛ Ɛsɔwɔ. Agé ndere bɔɔ abi ákpɔɔ mpɔ, magɔɲme, upwene mampye upɛ mbaa Ɛsɔwɔ, ne abi ájwɔlé ákwórege maɲka. ¹⁵ Agégé mbɔ, abɔ manyíí akwye getó, abú bɔɔ bimbɔ ako átané

wye chónchó ne magɔɔme, ne mpɔ. Atyá maɔka ayi bɔɔ abi ákene gesegé maɔka mankwɔré, amu makpókpógélé bwó agbé. ¹⁶ Ne anyá bɔɔ abi akpɔɔ upwene aké, “Kpagé ubi détáné fa, débófɔ mambwólé gepúgé Nte wa gélá ntoné gese wó.”

¹⁷ Jisɔs apyegé mbɔ, baá utɔɔ bií áte meko mejɔɔ ayi asamé né mmu ηwe Esɔwɔ nnó, “Géchyéé eyigé me nwyaa né gepú jyε gesɔɔ me mmu eké mewε.”

¹⁸ Akpákpá bɔɔ Jus áchwɔɔ jɔɔ ne Jisɔs áké, “Ndé gefógé gepɔ eyigé wɔ ɔkagé léré mampye esé dékaá nnó élé Esɔwɔ ne achyε wɔ eshyε mampye depɔ eti.”

¹⁹ Jisɔs ashúú εbwó meko aké, “Muúgé εcha upε εwéna, nselé ndɔ eléé mpyε εwú ekere meso ndere εbɔ elu”.

²⁰ Bɔɔ bimbo áké, “Ɔké ndeé? εcha upε εwé, eselé esé usaá ηme upeá meso ekené manténé, ne wɔ ɔké ɔselé ndɔ eléé manténé εwú?” ²¹ Yémbɔ εcha upε εwé Jisɔs ajɔɔ mbɔ, ató élé ne menyammyε wuú jimboɔ. ²² Jisɔs akwilégé né negbo, baá utɔɔ bií áte nnó ji abɔ ajɔɔ mé mechó εwé. Akamé ne genó eyigé ηwe Esɔwɔ ajɔɔ ne eyigé Jisɔs ajɔɔ.

Jisɔs akaá genó eyi gélú né metɔɔ akwaá

²³ Ne gébégé Jisɔs alú né Jerosale anyéé epaá koó upú, apyε gejamégé bɔɔ áfyéé matɔɔ ne ji gétúgé ufɔɔ unó ne ufélekpa εbi ji apyεé. ²⁴ Yémbɔ Jisɔs afyéé fɔ matɔɔ ne εbwó wó, néndé akaá ndere mekwaá alú. ²⁵ Epósé εwé muú agarégé ji néndé jimboɔ akaá mé genó eyi gélú mekwaá metɔɔ.

3

Jisɔs ne Nikodemus

¹ Muú kpaá bós Jus fə abó alú, ayi ákuú ji Nikodemus. Alú muú ekwó bós Farasi. ² Mende yimbə achwó bané Jisəs ne utuú, ajós ne ji aké, “Ménleré esé dékaá nnó Esəwə ne atomé wə, néndé muú fə akágé pye unó bi wə əpyé, mbəgé Esəwə álá pó ne ji.”

³ Ne Jisəs ashuú ji meko aké, “Ngarégé wə wáwálé nnó, mbəgé álá ábyé muú mambye ayi meke wó, agene fə gefwa eyigé Esəwə ágbərege.”

⁴ Ajósgé mbə, Nikodemus agiú ji aké, “Muú akwógé mbə mé ukoó, ápyéé mbə nnó ne áamá ábyé ji?” nno amage kpe né mmu une mma wuú ábyé ji?

⁵ Jisəs ashuú ji meko aké, “Ngarégé wə wáwálé nnó mbəgé álá ábyéé muú nebyéé né manaá ne Mendoó wó, anyéé fə gefwage Esəwə. ⁶ Mekwaá abyene ele nte mekwaá, Mendoó ntó ebyene elé Mendoó. ⁷ Ekágé olá meno mekpo fuú, elé njós ne wə nnó, abó mambyé muú mambyé ayi meke. ⁸ Mbyo amyé yéndé mbaá ayi akelégé, muú awuú gewya jí, yémbə akágé fə mbaá ayi atané ne mbaá ayi ajye. Wyembə ntó ne elu ne muú ayi ábyéne ji né Mendoó. Muu ákaáge gare fə ndere Mendoó ebyene Mendoó.”

⁹ Nikodemus awúgé mbə, agiú Jisəs aké, “Ewéna eβεε mbə nnó?” ¹⁰ Jisəs ashuú ji meko aké, “Wə olú gekpékpégé menleré bós Isrəli nnó əkágé unó bi?” ¹¹ Ngaregé wə wáwálé nnó, esé dejsóge depə etiré dékágé, ne dégarage unó bi esé dégéne, yémbə enyú dékelege fə manwú. ¹² Ngarege enyú unó bi upye fa mme enyú dékámégé, nnó ngare enyú ebi upyéé né mfaánebuú ne dékámégé? ¹³ Yé muú ayi akwəmé mé ájyeé né mfaánebuú apó, ekosé wyε

Maá Nte Mekwaá ne atané mfaánebuú achwó fa mme. ¹⁴ Ndere Mosis abwéé nyá mmyó né mashwone wyembó ntó ne abóó mambwe Maá Nte Mekwaá né mfaá ¹⁵ Ne yéndémuú ayi áfyéé metóó ne ji, abó geɲwá eyi gélagé byé.

¹⁶ Esɔwɔ abó gejeé ne bóó mme, nkáwú ne atómé danchi maá wuú nnó yéndémuú ayi áfyéé metóó ne ji, anomé fɔ mme detu, abó geɲwá eyi gélagé byé. ¹⁷ Esɔwɔ átóó fɔ Maá wuú fa mme nnó áchwó ágare nnó bóó mme ákwe mpa wó. Ató lé ji nnó áchwó áfere ebwó né efwyale gabo. ¹⁸ Yéndémuú ayi áfyéé metóó ne ji akwene fɔ mpa, yémbó muú ayi álá áfyéé metóó ne ji wó akwe mé mpa néndé áfyéé fɔ metóó ne danchi Maá Esɔwɔ wó. ¹⁹ Gé na ne mpa ayi mbó abeé nye. Geɲgbó gechwó fa mme, yémbó bóó ágbóó ne gemua ápwá geɲgbó néndé unó bi ebwó abó ápye ulómé fɔ. ²⁰ Ne yéndémuú ayi apyéé gabo akíí fɔ geɲgbó, ne akélégé fɔ manchwó né geɲgbó nnó ekágé gabo wuú agéné. ²¹ Yémbó muú ayi apyéé galógáló, achwóó né geɲgbó, nnó galógáló wuú agéné ágé nnó ji apyéé ndere Esɔwɔ akélege.

Jɔn menwyaá bóó manaá Esɔwɔ agaré ndere Jisɔs alu

²² Ewyágé Jisɔs ne baá utóó bií alyaá Jerosale, áfé né gebagé mewaá Judiya ábelé ewú mboó ndó awyagé bóó manaá Esɔwɔ. ²³ Né gébé eyigémbó, Jɔn menwyaá bóó manaá Esɔwɔ abó awyagé ntó bóó manaá Esɔwɔ né meló Enon ewé elú kwókwólé ne meló Salim, elé manaá malú ewú dóó. Bóó ájye eta wuú awyagé ebwó manaá Esɔwɔ. ²⁴ (Né gébé eyigémbó, ábó álú danfyé Jɔn né denó.) ²⁵ Ewyágé

muú Jus fɔ aló manye mbeé ne baá utɔ́ Jɔn, gétúgέ gefɔ́ ɛyigé muú abɔ́ manshwɔné mmye ne ábέ pópó né mbe ushu Ɛsɔwɔ. ²⁶ Ne baá utɔ́ Jɔn achwɔ ɛta wuú agaré ji aké, “Ménleré, mende ayi nyá ɔ́bɔ ɔlu ne ji né egbé ebéé Jodan ɛwé né, ayi ɔ́bɔ ɔgarege bɔ́ gétú jíí, alú mbɔ fa ne bɔ́ ako ájyεé ɛta wuú awyagé ebwɔ́ manaá Ɛsɔwɔ.”

²⁷ Ajɔ́gέ mbɔ, Jɔn ashuú ebwɔ́ meko aké, “Muú fɔ akágé bɔ́ genó ɛkose nno Ɛsɔwɔ achyεge ji geji. ²⁸ Ɛnyú ambɔ́ délú bɔ́ ntésé ba gébégé ngaré nnó, ‘Me mpɔ́ fɔ́ Muú yi Ɛsɔwɔ akweré ji elá gefwa. Ɛsɔwɔ atɔ́ me nnó mbɔ́ mbe ne ji.’ ²⁹ Menɔ́ neba ne awyaá mendée neba, yémbɔ́ mejeé menɔ́ neba, muú ajwɔ́lege awuú meko menɔ́ neba, abεé ne nechóhó gétúgέ meko menɔ́ neba ayi ji awuú. Nechónhó ɛnina nelú ɛna, ne nana metɔ́ ɛgɔ́ me gétúgέ mende yina. ³⁰ Ji abɔ́ mankwɔ́ ηgɔ́, me mbɔ́ magbó gelú.”

³¹ “Muú yi atané mfaánebuú aɲea gеме apwɔ́ bɔ́ ako. Muú mme, abyε wyε muú mme ne ajɔ́gέ lé depɔ́ ndere bɔ́ mme ájɔ́ge. Ji ayi atané mfaánbeuú apwɔ́ bɔ́ ako. ³² Ji agarege unó bi ji awuú ne ɛbi agéne, yémbɔ́ yé muú yi akamege meko wuú apɔ́. ³³ Yéndémuú ayi akámege meko mejɔ́ wuú alerege nnó genó ɛyigé Ɛsɔwɔ ajɔ́ gelú wáwálé. ³⁴ Ne muú yi Ɛsɔwɔ atómé, ajɔ́gέ elé depɔ́ré Ɛsɔwɔ néndé Ɛsɔwɔ achyεge ji uto Mendoó wuú byágébyágé. ³⁵ Nte agboó ne Maá, ne afye ji unó uko né amu. ³⁶ Ne yéndémuú ayi áfyεé metɔ́ ne Maá yimbɔ́, awyaá genwá ɛyi gélágé byé. Yémbɔ́, yéndémuú ayi ató mekpo mamfyε metɔ́ ne ji agéné fɔ́ genwá ɛyigémbɔ́, metɔ́ usɔ́ Ɛsɔwɔ elu ne

muú yimbɔ te kwyákwyá.”

4

¹ Ekwó bɔ́ Farasi áwú nnó bɔ́ abi ajyεε mbaa Jisɔs, ji awyage ebwó manaá Esɔwɔ aja apwɔ abi ajyεε mbaá Jɔn. ² Yembɔ wáwálé alú nnó Jisɔs jimbɔ awyáge fɔ́ bɔ́ manaá Esɔwɔ, elé baá utɔ́ bíí ne áwyáge. ³ Ne Jisɔs awúgé nnó bɔ́ Farasi áwu nnó bɔ́ abi áchwɔ́ eta wuú aja apwɔ abi Jɔn, alyaa Judiya akeré meso né Galilíí, ⁴ abó mankoó wye né gebage mewaá Samariya ne afé né gebagé mewaá Galilíí.

⁵ Akwónégé né gebagé mewaá Samariya akwóné melɔ ewé ákuú nnó Sikar. Sikar alú kwókwólé ne melú mme ewé Jakɔb abó achyéε maá wuú Josef. ⁶ Embu manaá ewé Jakɔb abó áchomé elú ntó eféé. Jisɔs ákége ápwagé, ajye jwólé wye. Gébé gélú kalanjá efyánéεpeá ne ηwɔmese eyigé Jisɔs akwóné né mbaá yimbɔ.

⁷ Eké ewyáge, mendée Samariya fɔ́ achwɔ́ eféé manchwé manaá. Jisɔs ajɔ́ ne ji aké, “Chyéé me manaá nyú.” ⁸ Gébé eyigémbɔ, baá utɔ́ bíí afé né melɔ manjye na menyéé.

⁹ Mendée Samariya yimbɔ aké, ne ji “Wɔ́ olú muú Jus, me nlú muú Samariya, epyéémbɔ nnó ne ɔ́gíí me manaá manyú?” Ajɔ́ mbɔ néndé bɔ́ Jus ne bɔ́ Samariya átuúgé fɔ́. *

* **4:9** Elú wáwálé nnó: Bɔ́ Jus átugé fɔ́ ne bɔ́ Samariya néndé gébé eyigé bɔ́ Asariya amyéé be ápwɔ́ bɔ́ Isrɛli, ákpa ebwó afé ndere afwe. Ne abi álá né gebagé mewaá Samariya ába bɔ́ abi álá pɔ́ fɔ́ bɔ́ Jus. Ndere elúmbɔ, bɔ́ Jus bifɔ́ abi ála né gebagé mewaá Judiya, áse nnó ebwó ápɔ́ pɔ́pɔ́ né mbe ushu Esɔwɔ.

10 Jisɔs ashuú ji meko aké, “Wɔ ɔbɔ ɔkaá mbɔ ɛchye ɛwé ɛsɔwɔ achyegé ne gefɔgé muú ayi agíi mbɔ wɔ manaá, mbɔ ɔgíi ji, ne ji abɔ achyegé wɔ manaá ami machyegge genwá.”

11 Mendée yimbɔ ajɔɔ ne ji aké, “Ata ɔpɔ ne genó manchwé manaá, ne embu manaá ɛwéna ɛgomé. Ɔpyée mbɔ nnó ne ɔgé manaá ami machyegé genwá? 12 Nnó wɔ ɔɲeá gеме ɔpwɔ gekwenege nte sé Jakɔb muú áchomé ɛsé embu manaá ɛwéna? Ɖwé jimbɔ, baá bíi ne utú bíi anyúu manaá wye.”

13 Jisɔs aké ne ji, “Yéndémuú ayi anyú manaá amina, mmwólé manaá ɛmáge pye ji, 14 yémbɔ, yéndémuú ayi anyúu manaá ami me nchyege nye, mmwólé manaá ɛmáge pye sé ji te kwyakwya. Ne manaá ami me nchyege ji, mabwólége nye mala ɛta wuú ɛké embu nnyi ɛwé ɛtanegge manaá ami machyége genwá eyi géláge byé.”

15 Mendée yimbɔ aké, “Ata chyéé me manaá amimbɔ nnó mmwólé manaá ɛpyegé sé me, ne nnó nchwóge sé fa manchwé manaá.”

16 Jisɔs ajɔɔ ne ji, aké, “Chó kuú menɔ wye enyú déchwɔ.”

17 Ne mendée yimbɔ ashuú ji meko aké, “Me mmpɔ ne menɔ”,

Jisɔs aké, “Wɔ ɔlú cho ndere ɔké ɔpɔ ne menɔ, 18 néndé ɔbɔ ɔbá mé anɔ ata, ne ayi ɔlú mbɔ ne ji nana, apɔ fɔ menɔ wye. Genó ɛyigé wɔ ɔjɔɔ mbɔ gélú wáwálé.”

19 Mendée yimbɔ ajɔɔ ne ji aké, “Ata elúmbɔ ɛké wɔ ɔlú muú ɛkpávé ɛsɔwɔ. 20 Ukwene ante sé ábɔ ánógé ɛsɔwɔ né mekwé ɛwéna, yémbɔ enyú bɔɔ Jus deké ánógé elé ɛsɔwɔ né melɔ Jerosale.”

21 Jisəs ajóó ne ji aké, “Kámé genó eyigé me njóógé, gébé gechwó nyε eyigé enyú délá nógé sé Εσωω fa né mekwε ewéna, yéé ebéle né Jerosale. 22 Enyú bóó Samariya dénógé genó eyigé délá kaágé, εsé bóó Jus dénógé genó eyigé dékaágé néndé muú ayi áférege akwaá né εfwyale gabo atanegε nyε élé né mbaá bóó Jus. 23 Yémbó gébé gechwóó, ne géchwó mé, eyigε bóó abi anógé Nte se wáwálé anogε nyε ji né gefóó eyi gelu wáwálé ndere Mendoó Εσωω ελερεge. Gé ufóó bóó abi Εσωω akélege nnó ánoógé ji mbó. 24 Εσωω alú Mendoó ne bóó abi anógé ji abó manógé ji né gefóó eyi gelu wáwálé ndere Mendoó Εσωω ελερεge.”

25 Ne mendée yimbó aké, “Nkaá nnó Muú yi Εσωω akweré ji elá gefwa, ayi akuú ji Kras achwóó, gébégé achwóógé agarege nyε εsé yéndégenó chánéné.”

26 Jisəs agaré yé ji aké, “Me yi njóge mbó nlu ji awu.”

27 Εké εwyágé baá utóó Jisəs áchwó; ne alá meno mekpo fuú nkane ágéné ji ajóóge mejóó ne mendée yémbó yé muú ayi agíi ji nnó okεlege ndé, yé ebé élé nnó ulannó ojóóge mejóó ne mendée yina apó.

28 Mendée yimbó alyaá yé ηkwó manaá wuú εféé afé né meló ajyε gáré bóó aké, 29 “Chwóge dégé mende ayi agaré me yéndégenó eyigε me mbó mpyéε. Nnó ji ne alu Muú yi Εσωω akweré ji elá gefwa?” 30 Ne bóó átané né meló ajyéε gé Jisəs.

31 Né gébé eyigé mendée yimbó ajyεε né meló, baá utóó Jisəs ákpeáge ji aké, “Ménleré nyé menyéé.”

32 Yémbó Jisəs ajóó ne εbwó aké, “Me nwya menyéé manyé ayi enyú délá kaá wó.”

³³ Ajóógé mbò, baá utóó bíí ájóó ne ate aké, “Nnó muú fò achwó ji ne menyéé?”

³⁴ Ndere ájóógé mbò, Jisòs aké, “Menyéé wa alú élé mampye genó eyigé muú ayi atómé me akélege ne mampye utóó bíí nnéré chánchá. ³⁵ Pó enyú déjóoge na nnó, ‘Èla amfaá ani ne mbwé ákwóné mamferé?’ Yémbò me ngarege enyú nnó bwége ame dépe makóó, mbwe akwóné mé mamferé. ³⁶ Ye nana muú ayi aférégé mbwé abóó nsa wuú ne anywerege mbwé yimbó ne mbwé yimbò ele genwá eyi gélágé byé. Èbegé mbò, mepené ne memferé ábéé ne nechóchó chónchó. ³⁷ Epyegémbò, nekanemejóó eniné ajóó nnó, ‘Mepené apégé, memferé aféré’ nelú wáwálé. ³⁸ Me ntó enyú nnó déjyéé déféré mbwé né mekóó ewé enyú déla dépéé mbwé wyé wó. Bóó abi chá ápye utóó, enyú débó nsá né utóó bwó.”

Gejamégé bóó Samariya áfyé metóó ne Jisòs

³⁹ Né gébé eyigémbò gejamégé bóó Samariya, áfyé metóó ne Jisòs gétúgé genó eyigé mendée yimbò agaré ebwó nnó, “Agaré me yéndegenó eyigé mbó mpyéé.” ⁴⁰ Bóó Samariya bimbo, ágégé Jisòs, áné ji mmye nnó ajwólé ne ebwó, ne Jisòs abélé ne ebwó ndò epeá.

⁴¹ Né mboó ndò eyimbò, gejamégé bóó ama áfyé metóó ne Jisòs gétúgé mekomejóó ayi ji ágaré. ⁴² Ne ájóó ne mendée yimbò aké, “Esé défyéé metóó ne Jisòs nana epósé gétúgé mekomejóó ayi ógaré esé néndé esé ambóó déwú ne dékaá nnó ji alu Mepoó bóó mme wáwálé.”

Jisòs apyéé maá muú kpáá góména atóó

⁴³ Ndɔ yimbɔ epea ekógé, Jisɔs alyaa melɔ Samariya afé né Galilíí. ⁴⁴ Jisɔs jimboɔ abɔ ajɔɔ mé aké, “Muú ekpávé Esɔwɔ apɔ ne énoǵé né melɔ wuú.” ⁴⁵ Akwónéǵé né Galilíí bɔɔ melɔ Galilíí ásé ji amu apeá néndé ebwɔ áǵé yéndégenó eyigé Ji apyɛé né Jerosale gebéǵé epaá koó upú. Elé ebwɔ ntó ábɔ álú wyɛ.

⁴⁶ Ne Jisɔs ama ajyɛé né melɔ Kana ewé ji abɔ apyɛé manaá mábwólé mmɔɔ né gebagé mewaá Galilíí. Ne muú kpaá góména fɔ abɔ alú né melɔ Kapanɔm ayi maá wuú abɔ amée. ⁴⁷ Mende yimbɔ awúǵé nnó Jisɔs atané melɔ Judiya achwɔ né Galilíí, ajyɛé ne ji mmye nnó áchwɔ ápyɛé maá wuú ayi amée alá magbomagbɔ átoó.

⁴⁸ Ne Jisɔs ajɔɔ yé ne ji aké, “Me nlá mpyé gepɔǵé ufélékpá ebi ulérege utó Esɔwɔ wɔ, enyú défyɛé fɔ mataɔ ne me.”

⁴⁹ Ajɔɔǵé mbɔ, muú kpaá yimbɔ aké, “Ata chwɔ déjyé ekágé maá wa agbɔ.”

⁵⁰ Ne Jisɔs ajɔɔ ne ji aké, “Chó maá wyé atoge nyɛ.”

Ne mende yimbɔ akamé ne mekomejɔɔ ayi Jisɔs ajɔɔ mbɔ, afé. ⁵¹ Ndere mende yimbɔ ajyɛé, baá défwɛ bií átuú ne ji né meti, ágaré ji aké, “Maá wyɛ alu mebe.” ⁵² Ne mende yimbɔ agií ebwɔ gébé eyigé maá yimbɔ atóó. Aké, “Gefwene yimbɔ gébyé ji mmye njuna né kalarjá ama.”

⁵³ Áǵaréǵé ji mbɔ, ate nnó élé wyɛ né gébé eyigémbɔ ne Jisɔs abɔ ajɔɔ ne ji nnó, “Maá wyɛ atóǵé nyɛ.” Ndere epyémbɔ mende yimbɔ ne ula gepú bií uko áfyé metɔɔ ne Jisɔs.

⁵⁴ Gé ndɔ ayi agbeé manáne apea ayi Jisɔs aléré gepɔǵé ufélékpá né Galilíí gebéǵé atané né Judiya.

5

Jisɔs apye mbwére atoo

¹ Ndɔfɔ ekógé, Jisɔs alyaa Galilii akwó afé né Jerosale manjye nyé epaá bɔɔ Jus fɔ. ² Né melɔ Jerosale, géntoógé manaá fɔ gélú wyé eyigé anɔ geji neɔ agbá ata, Kwókwólé ne menombi ewé magónme ákóge wye. Akuú geji né mejɔɔ Hibru nnó Betsata. ³ Gejamégé bɔɔ abi amée, ájwólége wye. Abi amε nónómé, ubwéré, ne abi amée unchanchi. Agile nnó Nnyi nebulé. ⁴ Ekiénné Eɔwɔ fɔ echwɔɔ, gébégbé ebúlege géntoógé manaá eyimbɔ. Ne muú ayi ábɔɔ mbe ashúlége né mmu manaá mimbɔ, yéndé nemée eniné ji amée nebyeé.

* ⁵ Mende fɔ ntó ayi abó amée né aɲme esaá meso nekuúneléé abɔ alu eféé. ⁶ Jisɔs agégé ji ndere álú eféé bélé, akaá nnó amée mé né gejamégé aɲme. Agii ji aké, “Ɔkelege nemée nyéε nebye?”

⁷ Mende yimbɔ ashuú ji meko aké, “Ata, mpó ne muú ayi akpané me afyéé né mmu gentoo eyigémbɔ gébégbé nnyi nébulégé. Yéndégébé nkulégé manjye, muú yicha abó mbe.”

⁸ Ajɔógé mbɔ, Jisɔs aké ne ji, “Kwilé ka, pwi geɔ jyé, ɔjye mmu.” ⁹ Ne ténéténé ayi Jisɔs ajɔɔ mbɔ mende yimbɔ atoo, akwilé ka, apwi géɔ jí akene.

Mechó ewéna epyé né bií uwyaá bɔɔ Jus. ¹⁰ Epyégémbɔ, ákpakpa bɔɔ Jus ájɔɔ ne mende yi atoo mbɔ aké, “Fina elé bií uwyaá, ne ebé sé ekamé fɔ nnó muú akpá géɔ né bií uwyaá wɔ.”

* **5:4** Elú wáwálé nnó: Malɔ ani yina, apó né ukwéne bɔ ɲwe.

¹¹ Ne mende yimbɔ ashuú ebwó meko aké, “Muú ayi apye me ntoó ne agaré me nnó nkpa gébɔ ya nke njye.”

¹² Akpakpa bimbɔ, ágií ji áké, “Ndé muú awú agaré wɔ nnó akpá gébɔ jye akené?”

¹³ Mende yimbɔ akagé sé muú ayi apye ji atóó, néndé gejamégé bɔ́ abó alú eféé, ne Jisɔs akpe né mpú bwó.

¹⁴ Ewyagé Jisɔs ama agé ji né mmu echa upε Esɔwɔ, ajó ne ji aké, “Gé, nana otóó, apyégé sé gabo, ékágé mechó kpáa eshúllí wɔ mmye.” ¹⁵ Ne mende yimbɔ aje garé yé akpakpa bɔ́ Jus bimbɔ nnó elé Jisɔs ne abó apyéé ji atóó.

¹⁶ Eféé mbɔ ne akpakpa bɔ́ Jus álɔ́ manchyégé Jisɔs efwyale gétúgé ji apyéé muú atóó né bíí uwyaá. ¹⁷ Jisɔs ajó ne ebwó aké, “Nte wa apye utóó yéndégébé, mentó mbɔ mampyege utóó.”

¹⁸ Ajóógé mbɔ, matóó ásó akpakpa bɔ́ Jus kpaá, ányémeno nnó ábó manwá ji. Néndé ji akwé f́ ebé bíí uwyaá ewú ewú wó, améé ntó mmye ne Esɔwɔ gétúgé ajó nnó Esɔwɔ alú nte wuú.

Jisɔs awya utó manchyéé geɲwá ne mansó mpa

¹⁹ Jisɔs ajó ne ebwó aké, “Me ngaré enyú wáwálé nnó me Maá nténégé f́ ushu ushu ba mampye genó, ekosé unó bi me ngéne Nte wa apyéé ne me ntó mpye néndé yéndégenó eyigé Nte apye, geji ntó ne Maá apyéé. ²⁰ Elé Nte agboó ne me Maá alérege me unó uko ebi jimbɔ́ apyéé. Ne amágé lére nye me ukpékpe unó bi upwóó bina. Ne enyú délaá nye mano mekpo fuú. ²¹ Ne wye ndere Nte apye bɔ́ abí ágboó ákwilege ne negbo, achye ebwó geɲwá, mbɔntó ne Maá achyégé geɲwá mbaá yéndémuú

ayi ji Nte akélege. ²² Ne yé muú ayi Nte wa asóo mpa wuú apó. Yémbó achye me Maá wuú utó nnó nsógé mpa bóó akó. ²³ Nnó bóó ako ánógé Maá wye ndere ánógé Nte. Muú ayi álá anógé Maá wó, ebyennó ánógé fó ntó Nte muú atómé ji.

²⁴ “Ne me ngarége enyú wáwálé nnó yéndémuú yi awuú mekomejós wa ayina, ne áfyéé metós ne muú ayi atómé me, awya geḡwá eyi gélagé byé. Muú yimbó ntó akpéné fó unós mpa, atané me né meti negbo akpe né meti geḡwá. ²⁵ Ngarége enyú wáwálé nnó gébé géchwós, ne géchwó mé eyigé bós abi álú ne meti negboó awuú nyé meko Maá Esowó. Ne bós abi awuú ne áfyéé metós ne ji, ákerege nyé né meti geḡwá. ²⁶ Ndere Nte wa jimbó alú menchyéé geḡwá mbóntó ne ji apye me Maá wuú nnó mbé menchyéé geḡwá. ²⁷ Ne achyéé me Maá wuú uto mansó mpa akwaá, néndé melú Maá Nte Mekwaá.

²⁸ “Ékágé délá mano mekpo fuú gétúgé mechó ewé. Gébé géchwós eyigé áwuú bós abi álú né mmu manome áwúu nyé mekomejós Maá Nte Mekwaá ²⁹ Awúgé átánege nyé mmu manome. Abi ápyéé unó bi Esowó akélege, ákwilége nyé ákpe né geḡwá eyi gélagé byéé. Ne abi ápyéé gabo ákwilége nyé ákpe né unós mpa. ³⁰ Nkágé téne fó ushu ushu ba mpye genó. Nkane Nte wa agárege me mbóntó ne nsós mpa. Ne gefós eyigé me nsós mpa gelú cho, néndé nkelege lé mampye genó eyigé muú ayi atómé me akélege nnó mpye, epófos ndere me nkélege mampye.

31 “Mbɔgé me mbɔɔ nke ngarege bɔɔ depɔ etiré détome ne uto ba ebyénnó unó bi me ngarege mbɔ úlú detú. 32 Muú fɔ ntó alú ayi alú ntésé wa, ne nkaá nnó unó bi ji agarege átóme ne me, úlú wáwálé. 33 Enyú detó nyá bɔɔ dentɔɔ mbaá Jɔn menwyaá bɔɔ manaá Ɛsɔwɔ, ne ji agaré enyú wáwálé gefɔgé muú ayi me nlu. 34 Me nkelege fɔ nnó bɔɔ ákaá gefɔgé muú ayi me nlu. Me njógé mbɔ ntome ne Jɔn, nkelege élé nnó enyú dewu nnó ékágé dekwe mpa Ɛsɔwɔ. 35 Ji Jɔn abó alú eké etulekanɛ ewé élúlí égénege. Ne mboó gébé fɔ enyú debɔ désé genɔgbó jíí ne nechóchó. 36 Me nwyá unó bi úlérege gefɔgé muú ayi me nlu, ebi uɛea upwɔ ebi Jɔn ágaré. Elé wyɛ utɔɔ ubi, ebi Nte wa afyéé me né amu nnó nnéré, ubi ne mpyéé. Ne ubi ne úlérege nnó Nte wa ne atámé me. 37 Ne Nte wa muú atámé me, agaré ntó gefɔgé muú ayi me nlu. Enyú délu danwú meko wuú, ne ye gefɔgé muú ayi ji alú délu dangé. 38 Ne enyú debelé fɔ mekomejɔɔ wuú né matɔɔ nyú wó, néndé genó eyi gelerege mbɔ élé metɔɔ ewé enyú dela défyéé fɔ ne muú ayi ji atámé wó. 39 Enyú decherege uno ebi ásame né muu ηwe Ɛsɔwɔ ayi déferé nnó ji ne apyéé enyú débó genwá eyi gélágé byé ne mekomejɔɔ yimbɔ ajoógé atome élé ne me. 40 Yémbɔ enyú dékélégé fɔ manchwó eta wa nnó débó genwá eyi gélágé byé.

41 “Me nkélégé fɔ nnó ákwaá áféé me. 42 Yémbɔ ndere me nkaá enyú, enyú débɔɔ fɔ gejeé ne Ɛsɔwɔ wó. 43 Me nchwó né mabɔ Nte wa, enyú déshya mansɛ me. Yémbɔ muú yi chá achwóge né mabɔ amií jimbɔɔ, enyú déselé nyɛ ji. 44 Enyú dékélege nnó ate bɔɔ ne áfɛge enyú dékélege fɔ nnó muú yi ji

mbii ne alú Ɛsɔwɔ, aféé enyú. Ɛpyembɔ nnó ne enyú défyéé matɔ́ ne me.

⁴⁵ “Yémbɔ déferégé fɔ́ nnó me ne nkúu nyɛ enyú mpa né mbe ushu Nte wa, elé Mosis ayi enyú déneré matɔ́ ne ji ne akuú nyɛ enyú mpa. ⁴⁶ Mbɔgé enyú débó défyéé matɔ́ ne Mosis wáwálé, mbó défyéé ntó matɔ́ ne me, néndé unó bi ji asamé, útoó ne me. ⁴⁷ Tɛé ndere enyú délá kamé nnó unó bi Mosis asamé úlú wáwálé wó, ɛpyembɔ nnó ne dekame nnó ebi me njógé úlú wáwálé?”

6

Jisɔs achyéé délé bɔ́ ɔ́ta menyéé

(Mat 14:13-21; Mak 6:30-44; Luk 9:10-17)

¹ Ɛbélégé, Jisɔs achyaá géntoógé mewaá Galilií eyigé ákuú ntó nnó géntoógé Tiberas. ² Ne gejamégé bɔ́ akwólege ji gétúgé ágené gepɔ́gé ufélekpá ebi ji apyéé bɔ́ mameé átoó. ³ Jisɔs ne baá utɔ́ bí akwó ájye jwóle né mfaá mekwɛ. ⁴ Gébé eyigémbɔ, ɛpaá bɔ́ Jus ɛwé ákuú nnó ɛpaá koó upú, éla kwókwólé.

⁵ Ne Jisɔs ábwégé ame agé ndere gejamégé bɔ́ áchwɔ́ eta wuú, ajɔ́ ne Filip aké, “Déname mbɔ bɛd ɛfɔ́ ayi akwánege bɔ́ bina manyé?” ⁶ Agii mbɔ manwú meko yi Filip ashúge nyɛ, néndé jimbɔ́ akaá mé genó eyigé ji abɔ́ mampyɛ.

⁷ Filip ashúu ji meko aké, “Yé dékpá elé nká eyi muú utɔ́ anyéé né ámfáá aneé ne déna bɛd dékáré ukéké ukéké mbaá bɔ́ bina, akwánégé fɔ́ ɛbwó ako.”

⁸ Ne maá utɔ́ Jisɔs ayifɔ́ ayi akúu ji nnó Andru menmo Simun Pita, aké, ⁹ “Njye gesa fɔ́, alú fana

ayi awyaá ntó bréd eta eyi ápye ne bele ne meshuú epea, yémbò ekwánege mbò bòó bina nnó?”

¹⁰ Ajóógé mbò, Jisòs aké, “Gáré yéndémuú ájwólé ka.” Melú ewémbò ejá dambyanja dòó, bòó abi ájwólé wye ande ebwó ebwó alú genógé delé bòó átáa. ¹¹ Ne Jisòs asé ntóo bréd eyímbò, achyé matamé mbaá Èsòwò, akaré mbaá bòó abi ajwólé eféé. Wyembò ntó ne apye ne meshuú eyímbò épeá ne yéndémuú ase ndere ji akélege. ¹² Anyéégé agbégé, Jisòs agaré baá utóó bií aké, “Nywerege ayi álaá ekágé délyaá yéé genógefó” ¹³ Ne ányweré ayi álaá ágbeé usá úfyáneupeá yé elé ntó bréd ebò elú elé eta.

¹⁴ Ne bòó bina ágégé gepoge ufélekpá bina, ebí Jisòs apyémbò, aké, “Gé muú ekpávè Èsòwò wáwálé na, ayi alú manchwó fa mme.” ¹⁵ Jisòs ákágé nnó bòó himbò ákélege mangbaré ji ne utó ápye ji ábé mfwa, alyaá ebwó ama akwó afé te mfaá mekwè jimbií.

*Jisòs aké mfaá mekò manaá
(Mat 14:22-23; Mak 6:45-52)*

¹⁶ Nkwálé akwónégé baá utóó Jisòs áshulé afé né mbale géntoógé mewaá eyigémbò, ¹⁷ ákpe ékpe manchyaá ájyé né melò Kapanòm. Gébé eyigémbò utuú ugi, ne Jisòs abó alú danchwó báne ebwó. ¹⁸ Ndere ajyéé mbyo metometo ammye apye mg-bannyi akwòme. ¹⁹ Ebwó ájyéégé genógé ñkpa neke eni, aké ágéne nkane Jisòs akéne mfaá mekò manaá achwóó kwókwólé ne ekpée, ábó efó. ²⁰ Ne Jisòs ajóó ne ebwó aké, “Défógé, elé me.” ²¹ Ajóógé mbò matóó ágò ebwó mansè ji akpe né mmu ekpée, aké ápéle

ékpe etaré mé mbale mewaá né mbaá ayi ebwó ájyé.

Jisós alú eké bred ayi achyεge genwá

²² Bii ujjage, gejamégé bós abo alu né εgbé géntoógé mewaá ewefo, ágé nnó elé ékpe ema ne ebó elú né mbale nnyi. Ape áγε sé Jisós wó, ne ate nnó ji abó akpéé fó ékpe ewémbó ne baá utós bii wó, baá utós bii ábó áfé ebwó ambií. ²³ Wyε né bii bimbo, makpe fó átané né melo Tiberas achwó táre né mapea gentoge mewaa kwókwólé ne mbaá ayi Ata Jisós abó ajelé bred bós anyéε. ²⁴ Ape Jisós ne baá utós bii né makpe yimbo ágé wó. Akpe makpe yimbo áchyaá géntoógé mewaá eyigémbó áfé né melo Kapanom ákélege Jisós.

²⁵ Agégé ji, agii ji aké, “Ménleré ndé gébé wó ochyaá géntoógé mewaá ochwó wé?”

²⁶ Jisós ashuu ebwó meko aké, “Me ngarégé enyú wáwálé nnó dékélégé fó me gétúge gepoge ufélékpá ebi enyú dégené. Dékélege elé me gétúgé dényεé bred dégbeé. ²⁷ Détulégé fó mmyε dékélégé menyéé ayi áchóge, mmyége mmyε dékélégé elé menyéé ayi achyεgé genwá eyi gélagé byé. Ji yimbo ne me Maá Nte Mekwaá nchyεgé nye enyú. Nte wa Esowó apye ukpekpe uno fo ne alérege nnó ji achyεé me utó bii, nnó nchyεge bós genwá eyigembó.”

²⁸ Ne bós bimbo agii ji aké, “Esé dépyémbó nnó ne dépyéε utós Esowó?”

²⁹ Jisós ashuu ebwó meko aké, “Utó Esowó bimbo ulú nnó enyú défyéé metó ne muú ayi ji atomé.”

³⁰ Bós bimbo ama agii ji aké, “Ndé ufélékpá ebi wó omáge pye nnó esé dégé ne dékámé ne genó eyigé wó ojóoge? ³¹ Ukwéne ante sé anyé nyá

mana né mashwóne, wyε ndere asamé né mmu bɔ ηwe Esɔwɔ nnó, ‘Achyéé ebwó bred ayi atané né mfaánebuú ányé’.”

³² Ne Jisɔs aké ne ebwó, “Me ngarége enyú wáwálé nnó epófɔ Mosis ne achyéé enyú bred ayi atané mfaánebuú, elé Nte wa ne achyége ushuú bred ayi mbɔɔ ayi atané né mfaánebuú. ³³ Bred ayi Esɔwɔ achyége elé muú ayi atané mfaánebuú ne achyégé bɔɔ geηwá eyi gélá gébyéé.”

³⁴ Jisɔs ajɔ́ge mbɔ, bɔɔ bimbɔ áké, “Ata chyégé esé bred yimbɔ yéndégébé.”

³⁵ Ne Jisɔs agaré yé ebwó aké, “Me ne nlú bred ayi achyége geηwá. Yéndémuú ayi achwɔɔ eta wa mesa ammye sé ji, ne muu ayi áfyéé metɔɔ ne me mmwólé manaá nto epye sé ji. ³⁶ Ne ngare mé enyú nnó enyú dégé me yémbɔ défyéé matɔɔ ne me wó. ³⁷ Yéndémuú ayi Nte wa achyége me, achwɔɔ nyε eta wa, ne yéndémuú ayi achwɔɔ eta wa, me mbuú fɔ ji. ³⁸ Néndé me ntané fɔ mfaánebuú manchwɔ pyε ndere nkélege wó, nchwólé mampye ndere muú ayi atɔmé me akélege. ³⁹ Ne genó eyigé muú ayi atɔmé me akélege nnó, mpye géluú nnó ekágé mpye yéé muú ama anó né geluágé bɔɔ ako abi ji achyéé me. Mpye elé ebwó akwilé né negbo né bíi bi kwyakwya. ⁴⁰ Néndé genó eyigé Nte wa akélege géluú nnó, yéndémuú ayi agéné me Maá wuú ne áfyéé metɔɔ ne me, abɔ geηwá eyi gélagé byé. Ne me mpye nyε ji akwilé né negbo né bíi ebi kwyakwya.”

⁴¹ Jisɔs ajɔ́gé mbɔ, bɔɔ bimbɔ álb maηménégé gétúgé ji ajɔ́ aké, ‘Me nlú bred ayi atané mfaánebuú ashulé mme’. ⁴² Aké pɔ nnó Jisɔs

maá Josef na? Esé dékage mma wuú ne nte wuú. Epyembò nnó ne ji aké atané mfaánebuú ashulé mme?

⁴³ Ne Jisàs ashuú yé ebwó meko aké, “Gógé manménégé ne ate, ⁴⁴ yéé muú ayi ákágé chwó eta wa ayi nte wa muú atómé me alá aja ji áchwó wó apó. Ne ayi achwó eta wa, mpye nye ji akwilé né negbo né bií bi kwyakwya. ⁴⁵ Muú ekpávé Esòwò fò abó asá nnó, ‘Esòwò alárege nye bòó ako meti.’ Ewena etene nno yéndémuú ayi awuú ne agií genó eyigé Nte wa akélege, achwó eta wa. ⁴⁶ Menjòó mbò, epófó nnó muú fò agé mé Nte wa wó, ekosé me muú ntané eta wuú ne ngéne ji. ⁴⁷ Ngaré enyú wáwálé nnó yéndémuú ayi áfyéé metòó ne me abóó genwá eyi gélá gébyéé. ⁴⁸ Me nlú bred ayi achyége genwá. ⁴⁹ Ukwéne ante nyú anyé nya mana né mashwóne, yémbò ágbó. ⁵⁰ Ne gé bred ayi atané mfaánebuú ashulé mme, ji ne alu gefòó eyigé yéndémuú ayi anyé ji agboó fò. ⁵¹ Me nlú bred ayi achyégé genwá, ayi atané mfaánebuú ashulé mme. Yéndémuú ayi ányéé bred yina abéé ne genwá eyi gélágé byé. Ne bred yina elé menyammye wa ayi nchyége nye mbaá bòó mme mekó manwene genwáge bwó.”

⁵² Jisàs ajòógé mbò, bòó Jus áló manyé mbeé metometo ne ate aké, “Mende yina achyége mbò esé menyammye wuú nnó dénye nnó?”

⁵³ Jisàs ajòó yé ne ebwó aké, “Ngarége enyú wáwálé nnó, mbògé enyú délá dényéé menyammye Maá Nte Mekwaá ne dényúu manoó mií wó, débó fò genwá. ⁵⁴ Ne yéndémuú ayi anyéé menyammye wa ne anyúu manoó ma, abóó genwá eyi gélágé byé, ne mpye nye ji akwilé né negbo

né bií bi kwyakwya. ⁵⁵ Néndé menyammye wa alú menyéé wáwálé ne manoó ma ntó málú genó eyigé ányú wáwálé. ⁵⁶ Yéndémuú ayi anyéé menyammye wa ne anyú manoó ma, abéé muú ama ne me, ne me ntó mbéé muu ama ne ji. ⁵⁷ Nte wa menchyé genwá ató me, Me ntó nwyaa genwá gétú jii. Mbəntó ne yéndémuú ayi anyéé menyammye wa abóó genwá gétú ya. ⁵⁸ Gé bred ayi atané mfaánebuú ashulé mme na. Apófó eké mana ayi ukwéne ante nyú ányé nyá ne ábelégé ágboó. Yéndémuú ayi ányéé bred yina abéé mebe te kwyakwya.” ⁵⁹ Jisəs ajóó depə etiré na né Kapanəm, gébégé alérege bóó unó né mmu echa mmyemenene.

Gejamégé ankwələ Jisəs alyaa jii

⁶⁰ Gejamégé ankwələ Jisəs áwúgé genó eyigé ji alérégé áké, “Genó eyigé mende yi alérege getoó. Yéé muú ayi akámege gefógé genó eyigé na apó.”

⁶¹ Yémbə Jisəs akágé né mmu metóó wuú nnó ankwələ bií áhménége gétúgé mechó ewé ji ajóó. Aké, ne bwə, “nnó mechə ewéna epye nnó enyú deja mmye meso? ⁶² Ebege mbə, enyú deferege nyé nnó mbəgé dégége Me Maá Nte Mekwaá ndere nkérége meso mbaá ayi ntané yé?”

⁶³ Elé Mendoó ne échyége genwá. Menyammye mekwaá apye ye genó cháchá! Unó bi Me njóó mbə ne enyú, utané mbaá Mendoó ne ubi ne uchyege genwá eyi gélágé byé. ⁶⁴ Yémbə, enyú abifə defyeé matóó ne me wó.” (Jisəs akaá mé te ula uló bóó abi álá fyé matóó ne ji wó, ne muú ayi achyege nyé ji mankwaá) ⁶⁵ Ne ajóó ne ebwó aké, “Gé ula bí ngaré

enyú nnó, muú akágé chwó fɔ eta wa, mbɔgé Nte wa álá lɛré ji meti wó.”

⁶⁶ Eɓó né gébé eyigé na, gejamégé ankwólé bíí ája mmye meso, ámágé kwóle sé ji.

⁶⁷ Ne epyégémbɔ, Jisɔs aké ne áhábá bíí áfyáneapeá, “Nnó enyú ntó dékélégé manlyaa me?”

⁶⁸ Simun Pita ashuú ji meko aké, “Ata, esé demágé lya wɔ défé efɔ? ele wɔ ne uwyaá mekomejɔ́ ayi achyége genwá eyi gélágé byeé.

⁶⁹ Esé défyéé matɔ́ ne wɔ ne dékaá nnó wɔ ne ɔlu Muú Ukpea ayi Esɔwɔ átómé.”

⁷⁰ Jisɔs ashuú ebwó meko aké, “Me ne njyá enyú áfyáneapeá, yémbɔ muú nyú ama alú danchɔmeló.” ⁷¹ Jisɔs ajɔ́ mbɔ ato lé ne Judas maá Simun Iscarot, yéle alú né geluágé abi áfyáneapeá, ji ne achyége nye Jisɔs mankwaá.

7

Jisɔs ne anɔmo bíí

¹ Jisɔs ánerégé manléré unó bi, aló mankéné né gebagé mewaá Galilí, ákélégé fɔ manjye né gebagé mewaá Judiya gétúgé ákpakpa bɔ́ Jus ákélege manwá ji. ² Gébé eyigémbɔ epaá bɔ́ Jus ewé ákuú nnó epaá baá otó elá kwókwóle. * ³ Ne anɔmo Jisɔs abi ande aké, “Lyaá fa ɔjye né gebagé mewaá Judiya ɔpye ufélekpá ankwólé bye ágé. ⁴ Néndé muú aké akélege nnó bɔ́ ákaá gefɔgé muú ayi ji alú, apyeé fɔ utɔ́ bíí bíbí. Té ndere ɔkágé pye

* **7:2** Elú wáwálé nnó: Epaá baá otó elé epaá ewé bɔ́ Jus aténege baá otó né mbaá ayi alú bɔmbɔ, manjwólé wye átámége Esɔwɔ né galógáló ayi álere ebwó né mashwone.

ufélekpá ebi, élome nnó ɔpye ubi mbaá ayi bɔ́ ako ágéne.”⁵ Añmo bií ájɔ́ge mbɔ ye ebwó ntó áfyéé fɔ́ matáó ne Jisɔs wó.

⁶ Jisɔs ashuú ebwó meko aké, “Eya gébé gélu dankwóne, né egbé ewé nyú dékágé jyé yéndégébé.
⁷ Bɔ́ mme akage paá fɔ́ enyú, ápaá elé me, néndé me ngarege gabo ayi ebwó ápyéé gbógónó. ⁸ Enyú chóge epaá ewéná me njyéé fɔ́ nana néndé gébé ya gélu dankwóne.”⁹ Ajɔ́gé mbɔ ama abéle mboó ndɔ́ né Galilíí.

Jisɔs afé epaá baá otó

¹⁰ Añmo Jisɔs ájyégé ji alá meso akwólé ebwó afé bíbí, epófɔ́ gbógónó. ¹¹ Nɔ́ere bɔ́ anyéé epaá ewémbɔ, ákpakpa bɔ́ Jus álɔ́ mankelé Jisɔs, ágígé ate bɔ́ áké, “Mende yimbɔ alá?”

¹² Bɔ́ abi áchwáó epaá ewémbɔ, áñménege ákuú Jisɔs meno. Abifɔ́ aké, “Alú muú melóméló,” abifɔ́ ntó aké, “Ngba” “acháó bɔ́ makpo.”¹³ Yémbɔ yéé muú ayi akuú Jisɔs meno gbógónó apó néndé áfɔ́ ákpakpa bɔ́ Jus.

¹⁴ Anyége epaá ekárégé mmye, Jisɔs afé né mmu echa ure Eɔ́wɔ́ alárege meko mejɔ́ Eɔ́wɔ́. ¹⁵ Ne ákpakpa bɔ́ Jus áwúgé nɔ́ere Jisɔs alárege, mano alá ebwó mekpo fuú ágígé ate aké, “Dénjá etire na détané mende yina efɔ́, ayi yéé ñwe ji alá agi dáó wó?”

¹⁶ Ajɔ́gé mbɔ, Jisɔs ashuú ebwó meko aké, “Unó bi me nlérege mbɔ utáné fɔ́ me né metáó wó utané lé mbaá muú ayi atómé me. ¹⁷ Muú ayi awyaá metáó mampye genó eyigé Eɔ́wɔ́ akélege, ji ne akágé nyé mbaá yi unó bi me nlérege mbɔ utánege. Yéé utanége lé mbaá Eɔ́wɔ́ yéé lé né metáó wa,

akáge nyε. ¹⁸ Muú ayi ajóoge unó bi utánege ji né metoó, akélege lé nnó ηgó wuú akwó. Yémbò muú ayi akélege nnó muú ayi atòme ji akwó ηgó, ajóge genó εyi gelu wáwálé, ábyógé fó gebyó cháchá. ¹⁹ Mosis abó achyé enyú mabé, wá mbò fó wó? Yémbò, yéé muú nyú ama ayi abelé aji apó. Ulannó enyú demuame manwá me?”

²⁰ Jisòs ajóoge mbò, bòs bimbò áshuú ji meko áké, “Melo nchye achyεgé wò εfwyale, ndé bòs amuame manwá wò?”

²¹ Ji ntó ashuú εbwó meko aké, “Me mpyε muú atooó bií uwyaá, enyú délá mano mekpo fuú. ²² Ele Mosis ne achyéé enyú εbé nnó desóge nsó. Ye lé εla εlò fó ne ji wó, εlò ne ukwéne ante nyu, enyu desò baá nyu nsò né bií uwyaá. ²³ Ne mbògé bií εbi asò maá nsó ukwegé bií uwyaá, enyú desò ji nsó nnó ékágé dékwé εbé Mosis, ulánnó enyú désò matò ne me gétúgé me mpyε menyammyε muú meko atooó né bií uwyaá? ²⁴ Muú apyεgé genó ékágé débó mbe déjóó nnó ji apyε gabo ndere bòs ako ágene, ayi délá débò mbe dékaá ulá wó. Cherége dékaá né meti ewé elú cho ne desò mpa wuu.”

Nde mmú alú Muú yi Εσωω akweré ji ελά gefwa

²⁵ Ndere Jisòs alérege bòs Jerosale, abifò álò mangigé ate áké, “Pó mende yi akélege na ji manwá na? ²⁶ Πε ndere ji ajóoge mejóó né mbe ushu bòs ako ne yéé muú ayi apégé meko apó, nnó ákpakpa sé ágé nnó ji ne alú Muú yi Εσωω akweré ji ελά gefwa waá? ²⁷ Ndòfò ji fó wó néndé Muú yi Εσωω akweré ji ελά gefwa aké achwòó muú akágé fò mbaá ayi ji atánégé yémbò esé dékaá mbaá yi mende yina atané.”

28 Ndere Jisɔs alú lérege né mmu εcha upe Εσωω, abwεé meko mfaá aké “Elú wáwálé nnó enyú dékaá me ne dékaá ntó mbaá yi me ntané yémbɔ me nchwó fɔ fa né utó ba wó, nchwólé gétúgέ muú ayi atómé me. Elu wawale nno ji ne atómé me ne enyú dékágé fɔ ji. 29 Me nkágé ji néndé me ntané lé eta wuú. Ji ne atómé me nnó nchwó.”

30 Ajóógé mbɔ, bɔɔ bimbɔ ákwilé nnó ápyé ji yémbɔ yeé muú ayi ataá ji εbwɔ mmye apó, elé gébé εjií géla gelú dankwóne. 31 Yémbɔ né geluáge bɔɔ bimbɔ gejame abi áfyεé metɔɔ ne ji ájóógé aké, “Muú yi Εσωω akweré ji elé gefwa achwógé nnó amáge pye gepoge ufelekpa upwɔɔ εbi mende yina apyéε?”

32 Bɔɔ ekwó Farasi abi alú eféé áwúgέ ndere bɔɔ anménege gétúgέ Jisɔs, ácho ula ne anɔɔ baá ampyεé upe Εσωω, átó ámbamé εcha upe Εσωω nnó ayye apyé Jisɔs. 33 Ne Jisɔs ajɔɔ aké, “Me mbelege sé ne enyú dɔɔ, ela gachyεé me nkerege meso mbaá muú ayi atómé me. 34 Enyú dékélege nyε me, yémbɔ degéne fɔ me. Mbaá ayi me mbéε enyú dékágé chwó fɔ wyε.”

35 Ajóógé mbɔ, ákpakpa bɔɔ Jus álɔ mangígé atε aké, “Ndé mbaá yi mende yina aferé nnó ji ayye, ayi yeé dékélé ji déla dégéné? Nnó ayye jwóle nyε elé né gebagé mewaá Greek ne malɔ ayi bɔɔ sé ájwólege, alerege bɔɔ Grek mekomejɔɔ Εσωω?” 36 Ajóɔ mbɔ, aké, “Enyú dékélege nyε me dégéné, ne mbaá yi me mbéε, enyú dékágé chwó fɔ wyε. Ula utene mbɔ nnó?”

Manáá ami machyεge gerwá

37 Kwyakwya bií bi ányéé epaá ewémbò, úlú gekpekpège bií. Né bií bimbo Jisàs akwilé ka ajóó kenjke aké, “Yéndemuú ayi mmwólé manaá epyéé ji achwó anyú eta wa. † 38 Muú afyegé metóó ne me, genó eyi gepye ne ji gebéé wye ndere ásamé né mmu ñwe Esòwò nnó, ‘Genó eyi gétánege ji te metóó gebéé eké nnyi eniné néwya manaá ami machyegé genwá.’ ” 39 Manaá ami machyegé genwá ami Jisàs ajóó mbò matené mbaá Mendoó Ukpea ewé bóó abi áfyéé matóó ne Jisàs ábóó nyé. Né gébé eyigémbò, Esòwò abó alú danchyéé ebwó Mendoó Ukpea, néndé Jisàs abó alú dangbó akéré meso mfaánebuú mbaá ayi Esòwò achyegé ji enógé.

Bóó ájógé unò ucháuchá gétúgé Jisàs

40 Bóó bimbo áwuúgé genó eyigé Jisàs ajóó, abifó aké, “Elú wáwálé nnó mende yina alú muú ekpavé Esòwò ayi débó dégilé.”

41 Abifó aké, “Alú Muú yi Esòwò akweré ji elá gefwa.” Yémbò abifó aké, “Epyembò nnó ne Muú yi Esòwò akweré ji elá gefwa átanégé né Galilíí.

42 Pó ñwe Esòwò aké na, Muú yi Esòwò akweré ji elá gefwa abéé mpyáne mfwa Devid ne ábyéne ji né Betelhem, melò ewé mfwa Devid atané wye?”

43 Ndere elúmbò, bóó abifó ájógé ágáme Jisàs, abifó ágáme fó. 44 Bóó abifó abó alú mampyé ji, yémbò yé muú ayi ataá ji ebwò mmye apó.

Akpakpa bóó Jus áshya mamfyé metóó ne Jisàs

† 7:37 Elú wáwálé nnó: Gébégé epaá ewéna ampyéé upe Esòwò ájyéé yéndé bií átuú manaá áchwóó ne mami né echa upe. Ndere ápyéé mbò áteé nkane Esòwò áchyé nya bóó bií manaá gébégé ebwó ákene né mashwone. Jisàs ájógé nnó ji alu eké manaá mimbo mbaá bóó.

⁴⁵ Ambamé εcha υπε Εσωω abi ábó átómé εβwó nnó ájyε apyé Jisωs, ákeré meso amuamu mbaá anó baá ampyε υπε Εσωω ne εκwó bóó Farasi. Achwógé ákpakpa bimbó ágií εβwó áké, “Ulannó εnyú délá chwó ne ji wó?”

⁴⁶ Ambamé bimbó áshuú εβwó meko áké, “Εsé délu danwú muú fó ajóó gefógé depó εtiré mende yimbó ajóógé.” ⁴⁷ Εκwó bóó Farasi áshuú εβwó meko áké, “Nnó abwólé εnyú ntó?” ⁴⁸ Εβwó ama gií áké, “Nnó εnyú dékaá yéé muú sé ama né geluágé ákpakpa, yé εbélé muú εκwó Farasi ayi áfyéé metóó ne ji? ⁴⁹ Ngba! Εkosé bóó abi álá kaágé mabe sé ne áfyéé metóó ne ji. Ne εβwó bimbó alu bóó abo né mbε ushu Εσωω.”

⁵⁰ Muú Farasi fó ayi εβwó ákuú ji Nikodemus muú yi abó ájyε mbaá Jisωs, abóó alu ntó né geluage bwó. Agií εβwó áké, ⁵¹ “Nnó εbé sé εgbarege muú nnó alú gyéé ayi bóó álá lu danwú mpa wuú akaá mechó εwe ji apyε?”

⁵² Akpakpa bimbó áshuú ji meko áké, “Elú εκé wó ntó ólu muú Galilíi. Chó gií né mmu ηwe Εσωω ne ókaá nnó muú εκpavé Εσωω atanégé fó né Galilíi.” † ⁵³ Ajóógé mbó, yéndémuú atyaá akeré meso né gepú jíi.

8

Apyε mendée ayi akwené uló

¹ Jisωs akwó afε ji né Mekwe Olif. ² Ne bií ujoyagé ji ama kéré meso né dachi εcha υπε Εσωω. Gejamégé bóó áchwó anó ji mme ne ajwólé ka aló

† **7:52** Elú wáwálé nnó: Ukwene bó ηwe abi mbembe ápó ne maló ηwe yina. Óló né 7:53 ókwóné né 8:11.

manlérégé ebwó. ³ Ndere ji ajóógé, anléré mabé Eσωω ne εκwó bós Farasi áchwó ne mendée ayi akwené uló. Achoó ji né mbe ushuú bós ako abi álú εφεέ. ⁴ Aké ne Jisós, “Ménléré, εsé dépye mendée yina nkane akwéne uló. ⁵ Asá né mmu ηwe mabé Mosis nnó ábó manwá gefógé mendée yina ne mataá. Ne wó ajóó nnó?” ⁶ Nkwé yi ebwó agiú mbó élé metaá né ebwó ápené nnó Jisós akwegé, ebwó ágé meti manjóó nnó apye gyéé.

Yémbó Jisós abyélé mme asamé genó gefó ne ενóó ebwó wuú. ⁷ Ndere ebwó álú ágigé wye ji gigé, Jisós anyaa mmye mfaá aké ne ebwó, “Mbógé muú nyú fó alú dampye gabo, abó mbe abó ntaá ató ji.” ⁸ Ajóógé mbó, ama byéle mme asamé genó ne ενóó ebwó wuú.

⁹ Bós abi achwóó ne mendée yimbó, áwuúgé nkane Jisós ajóó, aló manjye ama ama. Bós kpakpa ne ábóó mbe alóó manjye. Afé kpá ályá mendée yimbó téné né mbe ushuú Jisós. ¹⁰ Jisós anyaa mmye mfaá aké ne mendée yimbó, “Bós bimbó alé? Nnó yéé muú fó ajóó nnó wó nkwe mpa wó?”

¹¹ Mendée yimbó ashúú ji meko aké, “Ata yéé muú ajóó wó.” Ajóógé mbó, Jisós ajóó yé aké, “Yé me ntó mpyéé wó genó, chó, opyegé sé gabo.”

Jisós alú genbó mbaá bós mme

¹² Ewyágé Jisós ama jóó ne εκwó bós bimbó aké, “Me nlú genbó mbaá bós mme, muú yi akwólege me, akéné fó né gemua, agéne nyé lé genbó eyi gechyege genwá.” *

* **8:12** Elú wáwálé nnó: Jisós abeé ne áñkwóle bíí yéndégébé wye nkane gekwage mewe gebó gelú ne bós Isréli gébégé átané né Ijipt. (Ge Eσω. 13:21)

13 Ne ekwó bɔ́ Farasi áké ne ji, “Gé yé nkane ɔ́tené ntésé né geme jyε, ebyennó depɔ́ etiré wɔ́ ɔ́gárege mbɔ́ delu detu.”

14 Jisɔ́s ashuú ebwó meko aké, “Yé me nténé lé ntésé né geme ya, depɔ́ etiré me ngarege mbɔ́ dépó fɔ́ detu, néndé me nkaáge mbaá ayi ntané ne mbaá ayi njyéε. Yémbɔ́ enyú dékaágé fɔ́ mbaá ayi ntané, yé mbaá ayi njyéε dékaágé. 15 Enyú decherege depɔ́ ndere akwaá áchérege, me nchérégé yéé mechó muú fɔ́. 16 Ne yéé ebélé nnó nchérégé, uchéchére ba úlú cho néndé nchérégé fɔ́ me mbií, Nte wa muú atómé me alú ne me. 17 Ásá né mmu mabé nyú nnó bɔ́ ntésé apeá ájɔ́gé genó gema, ebyennó mechó ewémbɔ́ epɔ́ fɔ́ detú. 18 Me ntené ntésé né geme ya, ne Nte wa muú atómé me alú ntó ntésé wa.”

19 Ajɔ́gé mbɔ́, ebwó ágií yé ji aké, “Nte wye alú efɔ́?” Jisɔ́s ashuú ebwó meko aké, “Ésé ne nte wa yéé muú ayi enyú dékágé ápó. Mbɔ́gé enyú debɔ́ dékaá me, mbɔ́ dékaá ntó Nte wa.”

20 Jisɔ́s abó ajɔ́gé depɔ́ etiré na gébégé ji álerege bɔ́ né dachi echa ure Éɔ́wɔ́ kwókwólé ne mbaá ayi ábélege makwa ayi áfyéε ηka Éɔ́wɔ́ wye. Yémbɔ́ yéé muú ayi apyené ji apó néndé gébé jíí gélú dankwóné.

Jisɔ́s akwelé mbeé mbaá bɔ́ abi álá kame fɔ́ nnó ji alu muú ayi Éɔ́wɔ́ atóme ji wó

21 Éwyágé Jisɔ́s ama jɔ́ ne ekwó bɔ́ bimbɔ́ aké, “Me njye nyε mbaá fɔ́, enyú dékelégé nyε me dégéné, ne dégbóo nyε né mmu gabo enyú. Ne mbaá ayi me njyéε enyú dékaágé chwó fɔ́ wye.”

22 Akpakpa bɔ́ Jus áwuúgé mbɔ́ ágií ate áké, “Nnó ájye wá nyε geme jíí waá? Mbɔ́gé mbɔ́ fɔ́ wó,

ula bi ji ajóógé nnó ‘mbaá ayi ji ajye nye esé dékaágé jyé wye utené nnó?’ ”

²³ Jisós ashuú ébwó meko aké, “Enyú détané fa mme yina, me ntané mfaánebuú, enyú délu bós mme, me mpó f́ muú mme. ²⁴ Gé ula bi mbó njós ne enyú nnó, dégbóo nye né mmu gabo nyú. Ne mbógé enyú délá kame nnó, ‘Me Nlú Muu ayi Me Nké Nlú wó, dégbóo nye né mmu gabo nyú wáwálé.’ ”

²⁵ Ébwó ágii yéé ji aké, “Wó olú waá?” Jisós ashuú ébwó meko aké, “Me nlú muú yi mbó ngárege mé enyú te gachií nnó nlú. ²⁶ Nwya gejamé gé unó bi njós gé ulérege nnó enyú dékwé mpa. Yémbó muú ayi atómé me ajóógé wáwálé ne genó eyigé nwúgé eta wuú géji ne ngárege bós mme.”

²⁷ Ndere Jisós abó ajóge mbó ébwó ábó akaá f́ nnó ajóógé mbó atome lé ne Nte wuú wó. ²⁸ Ne Jisós ajós yé ne ébwó aké, “Gébégé abwége nye me Maá Nte Mekwaá né mfaa, gébé eyigémbó ne dékáage nye nnó, ‘Me Nlú Muú ayi Me Nké Nlú’ ne dékaáge nye ntó nnó me njóge f́ genó gefó né ushu ushu ba, mpye lé eyigé Nte wa aléré me nnó mpye. † ²⁹ Ne ji muú atómé me alú ne me, alyaá f́ me mbií wó néndé mpye unó bi ujigé ji metós.”

³⁰ Ne gejamé bós abi áwuú ndere Jisós ajóógé unó bina ákamé nnó ulú wáwálé.

Bós abi álú baá Abraham wáwálé

³¹ Jisós ajós ne bós Jus abi ákamé ne ji aké, “Dégbarégé amu né unó bi nle rege enyú, débe ankwolé ba wáwálé. ³² Ne dékáage nye wáwálé

† **8:28** Elú wáwálé nnó: Jisós ajóge mbó, atome mbó ele ne gebe eyige áwome nye ji né gekwa.

ne wáwálé, yimbò apye nye enyú dela mmyemmye nyu.”

³³ Ebwó ashuú ji meko áké, “Esé délu upyáne Abraham ne délu dambé afwé eta muú fò, ulannó wò aké esé détanege nye né efwyale.”

³⁴ Jisòs ashuú ebwó meko aké, “Me ngarege enyú wáwálé nnó, yéndemuú ayi apyéε gabo, abwolé mefwé gabo. ³⁵ Ne mefwé alaá fò né ula gepú eyigé ji akpane défwé wye te kwyakwya elé maá mbòó gepú ne ala. ³⁶ Nkane elúmbò, mbògé Maá apyεge wò òlage mmyemmye jyεε, ebyénnó òla mmyemmye jyε wawale. ³⁷ Me nkaá nnó enyú délu upyáne Abraham. Yémbò dékélegé manwá me néndé enyú debòó fò gébé ne mekomejòó wa chacha wó. ³⁸ Me ngarege enyú genó eyigé me ngené mbaá Nte wa, enyú dépyéε lé genó eyigé nte nyú agaré enyú.”

³⁹ Bòó Jus bimbò ashuú ji meko áké, “Abraham alú gekwéne nte sé.” Ajòógé mbò Jisòs aké ne ebwó, “Mbògé enyú débó débé upyáne Abraham wáwálé, mbó dépyéε unó bi ji abó apyéé. ⁴⁰ Yémbò enyú dékélege manwá me ayi ngárege enyú mekomejòó ayi wáwálé, ayi nwuú ne Esòwò. Abraham abó apyéé fò mbò wó. ⁴¹ Enyú depyéε genó eyigé nte nyú apyéé.”

Ebwó áké ne ji, “Esé depò fò baá ulò, Esòwò ne alú Nte sé wáwálé.”

⁴² Ajòógé mbò, Jisòs aké ne ebwó, “Mbògé Esòwò abó ábé Nte nyú wáwálé, mbó dégbòó ne me néndé ntané eta wuú ne nchwó fa. Nchwóó fò fa né ushu ushu ba wó, ji ne atómé me. ⁴³ Epyénnó ne enyú delá kaágé genó eyigé me njòógé? Ndòfò elé delá kélegé manwú genó eyigé me njòóge. ⁴⁴ Nte nyú elé danchomeló, enyú dékélege lé mampyéé unó bi

ujigé ji metáó. Tε ula ulóó genwá jíí, ji alú lé muú ayí awáne bóó, ne akiú fə genó eyi gélú wáwálé, néndé jimbóó ajóógé fə wáwálé. Ake abyoge gebyo akwolege lé gepə jíí, néndé gebyo geko gelo ne ji. ⁴⁵ Elé me ngarege genó eyi gélú wáwálé, enyú dekámégé fə ne genó eyigé me njóógé. ⁴⁶ Nnó muu nyu fə akage gare ye gabo ayi me mpyεε? Ne mbogé me ngarege enyú genó eyi gélú wáwálé, ulannó enyu déla dékámégé ne me? ⁴⁷ Yéndémuú ayi alu muu Esowə, awúu genó eyigé Esowə ajóógé. Elú wáwálé nnó enyú depó fə baá Esowə, gé ula bi enyú déla wuú fə me mbə.”

Jisəs agarege gefogé muú ayi ji alú

⁴⁸ Ajóógé mbə, ákpakpa bóó Jus áshuú ji meko áké, “Esé depó fə gye manjóó nnó wə olu muú Samariya ne melo nchye achyεge wə εfwyale.”

⁴⁹ Ne Jisəs ashuú εbwó meko áké, “Meló nchye achyεge fə me εfwyale. Me nnogé Nte wa yémbə enyú dénógé fə me. ⁵⁰ Me mpyéé fə unó nnó bóó áféégé me, yémbə muú alú wye ayi afége me. Ji ne alú muú ayi asóó mpa bóó. ⁵¹ Ne me ngarege enyú wáwálé nnó muú ayi ábélege mekomejóó ayi me nlecege agboó fə chacha.”

⁵² Ajóógé mbə bóó Jus áké, “Nana εsé dékaá nnó əméε gebwó wáwálé. Abraham agbó wye ndere bóó εkpávé Esowə abifə agbóó, wə əké mbogé muú abelégé unó bi wə olécege agboó fəó? ⁵³ Nnó wə əjeá gεme əpwə ntesé Abraham ayi agbóó wa nnó? Bóó εkpávé Esowə ntó agbóó, wə əferé nnó olú waá?”

⁵⁴ Ne Jisəs ashuú ntó εbwó meko áké, “Mbogé me nféégé gεε eyá, ufeféε εbimbə unó mme detú.

Muú ayi aféegge me elé Nte wa muú enyú déselé nnó alú Esɔwɔ nyú. ⁵⁵ Yé elé enyú délá dékaá yéé ji kan̄ka wó. Me nkáge ji. Mbɔgé me njógé nnó nkaágé fɔ ji, ebyennó me nlú muú gebyɔ nkane enyú. Me nkaá ji wáwálé, ne nwúu ne ji. ⁵⁶ Nte nyú Abraham abɔɔ mé mbe akaá nnó, me nchwɔɔ nye ne metɔɔ ego ji. Agége mbɔ metɔɔ ego ji dɔɔ.”

⁵⁷ Ne bɔɔ Jus áshuú meko áké, “Olú dankwóne yé usaá aɲme upeá meso efya, ɔpyembɔ nnó ne ɔkaá Abraham.” ⁵⁸ Ne Jisɔs aké, “Me ngarege enyú wáwálé nnó, gemégé nnó ábyé Abraham, me nlú.”

⁵⁹ Ajɔógé mbɔ, ebwɔ abɔ mataá nnó ató ji, yémbɔ Jisɔs abii atané né mmu echa upe Esɔwɔ.

9

Jisɔs apye muú ayi ábyené ji ame nónómé agéne

¹ Ndere Jisɔs akéne ajyee, agé mende fɔ ayi ábyené ji ame nónómé. ² Ne baá utɔɔ bií agíí ji aké, “Ménleré, gabo ayi ndé muú apyee ábyené mende yina ame nónómé? Awuú jimbɔɔ? Waá ayi mma wuú ne nte wuú.”

³ Jisɔs ashuú ebwɔ meko áké, “Ame anómé fɔ mende yina gétúgé gabo ayi ji apyee wó. Ne épófɔ ntó gétúgé gabo ayi mma wuú ne nte wuú ápyee. Abyé mende yina ame nónómé nnó Esɔwɔ aléré ndere utó bi upyee utɔɔ né menyammye wuú. ⁴ Debɔ mampye utɔɔ Atá muú atómé me ndere bií úlú gbɔɔ, néndé utuú ugigé ye muu akage pye se ubi. ⁵ Te ndere me nlú fa mme yina, me nlú gen̄gbɔ mbaá bɔɔ mme.”

⁶ Ajɔógé mbɔ akpó matye mme, apye gentwɔtwɔ awaá mende yimbɔ né ame ⁷ ajɔɔ ne ji aké, “Chó shwóné ushu bye né gentoógé manaá eyigé ákuú

nnó Silom” (Ula Silom utené nnó átə). Ne mende yimbə afé, ashwəné ushu bíí, aké achwəó, aló mangéné mbaá.

⁸ Epyégembə, bəó abi ajwólege dachi ama ne ji, ne abi abó ágéne mé ji ndere akəó deko, ágégé ji, aké, “Pó mende ayi ajwólege na akəó deko yéndégébé na?” ⁹ Abifə aké, “Elé ji,” abifə ntó aké, “Ngba muú yimbə afú élé fulé.”

Ne mende yimbə ajóógé wyε aké, “Elé me mbəó.”

¹⁰ Ajóógé mbə, bəó bimbə agíí ji aké, “Ekε nnó ne wə oló mangé?”

¹¹ Ashuú εbwó meko aké, “Mende fə ayi akámege Jisəs, ne apyε gentwətwə awaá me né amε, ajóó ne me aké, chó shwóné ushu byε né gəntoógé manaá eyigé ákuú nnó Silom. Njyégé, nshwəné ne nló mbaá mangéné.”

¹² Ne bəó bimbə agíí ji aké, “Mende awú alú fə? Aké ne εbwó me nkaá wó”.

Ekwə bəó Farasi ácheré mankad ndere epyéε ne mende yimbə aló mbaá mangéné

¹³ Mende yimbə ajóógé mbə, ákpá ji áfé mbaá ekwə bəó Farasi. ¹⁴ Bíí bi Jisəs apyε getwətwə mende yimbə aló mbaá mangéné, élé bíí uwyaá.

¹⁵ Ne ekwə bəó Farasi ntó ama agíí mende yimbə ndere epyégé ne ji aló mbaá mangéné. Ne mende yimbə agaré εbwó aké, “Awaá me gentwətwə né amε, nshwəné ushu ba ne nana ngéne mbaá”.

¹⁶ Ajóógé mbə, ekwə bəó Farasi abifə aké, “Mende yina ayi ákuú ji Jisəs atané fə mbaá Esəwə wó, néndé ábélégé fə εbé ewé aké muú apyégé fə utóó bíí uwyaá”.

Yémbə abifə aké, “Epyembə nnó ne muú ayi apyéé gabo, apyéé ufóó ufélekpá bina?” Ewéna epye ebwó ábó uféré ucháchá.

¹⁷ Ne áma ágií mende yimbə aké, “Ne wə mbóó ɔjóó nnó, gétúgé mende yina ayi apye ame jye ánené?”

Ashuú meko aké, “Ji alu muú ekpávé Eṣəwə.”

¹⁸ Yémbə ákpakpa bóó Jus ákélégé f́ó mankamé nnó ábó ábyé mende yina ame nónómé ne alóó mbaá mangéné. Akuú mma wuú ne nte wuú.

¹⁹ Achwógé ágií ebwó aké, “Maá nyú na? Enyú déké débyé ji ame nónómé? Epyé gé nnó ne ji agéne nana?”

²⁰ Mma wuú ne nte wuú ágaré ebwó aké, “Esé dékaá nnó gé maá sé na, débó débyé ji ame nónómé. ²¹ Ne genó eyi gépyé gé ne ji alóó mangéné mbaá, esé dékaá ẃ. Yéé muú ayi anené ji ame, esé dékaágé f́ó. Gígé jimbóó agaré enyú, apó sé mamane kə.” ²² Ebwó ájóó mbə gétúgé áfóó ákpakpa bóó Jus, abi ábó ajóó mé nnó muú ayi ajoge nnó Jisəs alu Muú yi Eṣəwə akweré ji elá gefwa, áfyéé ji ebé nnó akpé gé sé né mmu echa mmyemenene. ²³ Gé genó eyi gepyéé mma wuú ne nte wuú ajóó aké, “Ji apó sé mamáné kə, gíge jimbóó agaré enyú.”

²⁴ Ne ákpakpa bóó Jus áma kuú mende yi amé abó ánómé ji, ájóó ne ji aké, “Garé wáwálé wyé né mbə ushu Eṣəwə, néndé esé dékaá nnó mende yina alú muú ayi apyéé gabo.”

²⁵ Ne mende yimbə ashuú ebwó meko aké, “Waá ji alú muú ayi apyéé gabo ah, waá apóó ah, genó gema eyigé me nkaá gélú nnó me mbə nlú ame nónómé ne nana ngéne mbaá.”

26 Ne ágií ji áké, “Apyé nnó, ne wɔ? Apye nno ne wɔ ɔlɔ mangéné mbaá?”

27 Ashuú ebwɔ meko aké, “Pó me mbó ngaré mé enyú? Yémbɔ dékélégé fɔ manwú, ulannó enyú dékélégé mámanwú? Ndɔfɔ enyú ntó dékélégé mambé ankwálé bíí?”

28 Ajɔ́gɛ mbɔ, bɔ́ bimbɔ álɔ manju ji mashye mmye, áké, “Wɔ ne ɔlú menkwálé wuú. Esé délú ankwálé Mosis. 29 Esé dékaá nnó Esɔwɔ ajɔ́ nyá mejɔ́ ne Mosis, ne ushuú mbaá menya muú yina atané esé dekaá wó.”

30 Mende yimbɔ aké, “Mechó ewé egboó me mmye. Enyú déké dékaá fɔ mbaá ayi ji atané wó yémbɔ apye me ngéné mbaá. 31 Dékaá nnó Esɔwɔ awuú fɔ mmyemenené bɔ́ abi ápyéé gabo, yémbɔ yéndémuú ayi ánogé Esɔwɔ ne ápyéé unó bi Esɔwɔ ákélege, Esɔwɔ awuú mmyemenene jí. 32 Te mme álɔ délú danwú nnó muú fɔ ánené ámé muú ayi ábyené ji amé nónómé. 33 Mende yina ábé dantáne mbaá Esɔwɔ mbɔ ye genó ji apyéé wó.”

34 Ajɔ́gɛ mbɔ, áshuú ji meko aké, “Abyé wɔ ɔwé né mmu gabo. Ndé genó wɔ ókélege manleré esé?” Ajɔ́gɛ mbɔ, áfyé ji ebé nnó ákpégé sé mmu echa mmyemenene.

Bɔ́ abi ágéne ne abi alá ágéne

35 Ne Jisɔs awuúgé nnó afyé mende yimbɔ ebé, akelé ji agé, agií ji aké, “Nnó wɔ ɔfyé metɔ́ ne Maá Nte Mekwaá?”

36 Ne mende yimbɔ ashuú ji meko aké, “Ata, Maá Nte Mekwaá élé waá? Garé me mmfyé metɔ́ ne ji.”

37 Jisɔs ajɔ́ ne ji aké, “Wɔ ɔgé mé ji nana. Ji ne ajɔ́gɛ mbɔ mejɔ́ ne wɔ.”

38 Mende yimbɔ ajɔɔ yé ne Jisɔs aké, “Ata me mmfyé metɔɔ ne wɔ”, ne anógé ji.

39 Ne Jisɔs ajɔɔ ne ji aké, “Me nchwɔ fa mme mampye gabo bɔɔ agene gbɔgɔnɔ, nnó bɔɔ, abi álú ame nónómé ágéné mbaá ne nnó abi aferé nnó ebwɔ ágéne, abe ame nónómé.”

40 Ajɔɔgé mbɔ, bɔɔ ekwɔ Farasi abi álú eféé, áwuú, ágíí ji áké, “Esé déferé nnó wɔ ajɔɔgé fɔ lé ne esé nnó délú ntó amé nónómé?”

41 Ne Jisɔs ashuú ebwɔ meko aké, “Enyú débó dékámé nnó délú ame nónómé mbɔ abɔ ajɔɔ fɔ nno enyu depye gabo wɔ. Te mbaá enyú déké dégéne, gabo nyú alá enyú mmye.”

10

Mebame magɔɔɔme melómélɔ ne magɔɔɔme jii

1 Ngarege enyú wáwálé nnó, “Muú ayi akwɔme mfaá gebame akpene né mmu gebamege magɔɔɔme, alá koge né meno gebame alú menjo. Elá pɔ mbɔ fɔ wɔ, alú muú yi afɔgé unó bɔɔ.

2 Ne muú yi akogé né meno gebame akpe né mmu gebamege magɔɔɔme alú mbɔɔ magɔɔɔme yimbɔ. 3 Mebame meno gebame ánénégé ji meno gebame, ji akpe né mmu, ne magɔɔɔme awuú meko wuú. Ne ji akuú magɔɔɔme jíí né mabɔ ne ase áji afé dafye. 4 Ne aségé magɔɔɔme jíí ako atanege dafye, ji ajye mbe aji akwɔlege ji meso, néndé ákáge meko wuú. 5 Yémbɔ áji akwɔlege fɔ menkéké, áboó lé ji boó nénde ákáge fɔ meko wuú.”

6 Jisɔs ató ebwɔ nekané mejɔɔ eníné na, yémbɔ, ebwɔ ákáge fɔ geno eyige ji agarege ebwɔ.

⁷ Ne Jisós ama ajós aké, “Me ngarege enyú wáwálé nnó me ne nlú meno gebamege magṛṛme. ⁸ Ne bós ako abi abós mbε achwós ne me, álú lé anjo, ne bós abi afógé unó bós fṛge, magṛṛme awuú fṛ εbwós. ⁹ Me ne nlú meno gebame, yéndémuú ayi akoógé eta wa ne akpε né mmu, Εsṵwṵ aferege nyε ji né εfwyale gabo. Ne akpεne nyε mmu atanεge dafyε agεne yéndégenó eyi gelíi ji. ¹⁰ Menjo achwós lé nnó ajo unó, awá bós ne áchṵ unó, yémbṵ me nchwṵ lé nnó mmpyε bós abṵ genwá abε gbεne né mati mako.

¹¹ “Me nlú membame magṛṛme melóméló. Membame magṛṛme melóméló achyεge gemε jíi gétúgé magṛṛme jíi. ¹² Muú usege apó fṛ membamé magṛṛme, muú áwyaá magṛṛme, ndεre elúmbṵ, gébégé agεge mekwala aké achwós, aboó alyaá magṛṛme, mekwala afwené áji álá tyátyá. ¹³ Muú yimbṵ, aboó alyaá magṛṛme yimbṵ néndé ji alú lé muú usege, abós fṛ gébé ne áji wó. ¹⁴ Me nlú membame magṛṛme melóméló, me nkágé magṛṛme ya ne magṛṛme ya ntó ákágε me. ¹⁵ Wyε ndεre Ntε wa akaa me, me ntó nkaa ji. Me nchyεge gemε ya gétúgé magṛṛme ya. ¹⁶ Ne nwya magṛṛme ayifṵ, ayi álá pṵ né geluage ayina, mbṵ mansε áji ncho ne ayina. Áji ntó áwuú nyε meko wa, ne mpyε nyε áji ábε εkwṵ magṛṛme εma ne ábéé nyε ne membame ama.

¹⁷ “Ula bi ntε wa agboó ne me úlú nnó nchyεge gemε ya nnó áwá gétúgé bós ba ne nnó kwyakwya me mma mbṵ geji. ¹⁸ Yé muú ayi akágé wa me apó, yémbṵ me mbós ne nchyεge gemε ya nnó awá. Ne me nwyaá uto manchyε gemε ya nnó áwá ne nwya ntó uto mamma mbṵ genwá ya. Ge geno eyige Ntε

wa agare me mbɔ”

¹⁹ Jisɔs ajógé mbɔ, bɔɔ Jus ábɔ ufere ucháucha.

²⁰ Abifɔ ajógé áké, “Melo nchye achyege Jisɔs efwyale ne ameeé gebwɔɔ, déwúgé ji.”

²¹ Ne abifɔ ntó ajógé áké, “Muú ayi melo nchye achyegé ji efwyale ajógé fɔ ufɔɔ unó bina. Nnó muú ayi meló nchye achyegé ji efwyale, akaáge apyeeé ntó muú ame nónómé agene mbaá?”

Bɔɔ Jus áshyá Jisɔs

²² Ne gébége bɔɔ Jus ányeeé epaá ewe ebwɔ áteé ndere áfyee echa ure né amu Esɔwɔ, Jisɔs abɔ alu né Jerosale. Gébé eyigémbɔ neba nelu. ²³ Ndere Ji alú né dachi echa ure Esɔwɔ, akene né agbá ayi akuú nnó agba Solomun. ²⁴ Bɔɔ Jus áchwɔ nɔ ji né mme, ágii ji áké, “Wɔ ɔlyagé mbɔ esé né mmu dembyɔ nnó? Mbógé wɔ ɔlú Muú yi Esɔwɔ akweré ji elá gefwa gare ese gbɔɔnɔ.”

²⁵ Ne Jisɔs ashúu ebwɔ meko áké, “Me mbɔ ngare me enyú, yémbɔ enyú dékame ne me wɔ. Utɔɔ ebi mempyeeé né mabɔ Nte wa, ubi ne ulerege gefoge muú ayi me nlú. ²⁶ Yémbɔ enyú dékamege néndé depɔ fɔ né geluage magɔɔme ya. ²⁷ Magɔɔme ya, ákágé meko wa. Me nkágé áji ne áji ntó ákwɔlege me. ²⁸ Me nchyege áji genwá eyi gélágé byeeé. Áji ánome fɔ mme detu ne yé muú ayi ákágé fɔɔ áji né amu ya ápó. ²⁹ Néndé Nte wa muú áfyeeé me áji né amu, aɔea geme apwɔ bɔɔ ako, ne yé muú ayi ákágé fɔɔ áji né amu Nte wa ápó. ³⁰ Me ne nte wa Esɔwɔ delu muú ama.”

³¹ Jisɔs ajógé mbɔ, bɔɔ Jus ama ábɔ mataá nnó áto ji áwá. ³² Ne Jisɔs ajɔɔ ne ebwɔ áké, “Me mpye gejamégé utɔɔ ulúúlɔ ebi Nte wa achyeeé me utó nnó

mpye, enyú degɛ. Né ebi ndé ne enyú dékelege manto me ne mataá?”

³³ Bɔ́ Jus bimbɔ áshuú ji meko aké, “Eɔfɔ gétúgɛ utɔ́ ulúúl ébi wɔ ɔpyɛé ne ese detome wɔ ne mataá. Elé gétúgɛ wɔ ɔbyaá Ɛsɔwɔ. wɔ ɔlú lé mekwaá, yémbɔ ɔse gɛmɛ jyɛé nnó wɔ ɔlú Ɛsɔwɔ.”

³⁴ Ne Jisɔs ajɔ́ ne ebwɔ aké, “Pɔ nnó asa né mmu ηwe Ɛsɔwɔ nnó, ‘Me nke enyú delu bɔ Ɛsɔwɔ?’” ³⁵ Eɛse dékaá nnó mekomejɔ́ Ɛsɔwɔ akwɔrégɛ fɔ́. Ne mbɔgɛ Ɛsɔwɔ akú bɔ́ abi ji achyɛé ebwɔ mekomejɔ́ nnó ɔlú bɔ Ɛsɔwɔ. ³⁶ Epyɛmbɔ nnó ne me muú Ɛsɔwɔ ajyaá atɔme fa mme, njógɛ nnó nlú Maá Ɛsɔwɔ, enyú déké me mbyaá Ɛsɔwɔ? ³⁷ Mbɔgɛ me mpyɛé fɔ́ utɔ́ ébi Nte wa achyɛé me nnó mpyɛge, dékamegɛ fɔ́ ne me. ³⁸ Ne mbɔgɛ me mpyɛ lé ubi, yé lé enyú déla dékame nnó genó eyigɛ me njógɛ gelú wáwálé wɔ́, kamegɛ ne utɔ́ ébi me mpyɛé. Dépyɛge mbɔ, dégene nye nnó me nlu muú ama ne Nte wa, ne Nte alu muú ama ne me.”

³⁹ Ajógɛ mbɔ, bɔ́ Jus bimbɔ ama amua mampye ji, yémbɔ aloó ebwɔ né amu.

⁴⁰ Achyaá afe né egbe ebéé Jodan ewefɔ mbaá ayi Jɔn abɔ awyage nya bɔ́ manaá Ɛsɔwɔ, ajwɔlege ɛwú. ⁴¹ Ne gejamégɛ bɔ́ akwɔle ji, ájógɛ ne ate aké, “Jɔn apye yé ufélékpa fɔ́ wɔ́, yémbɔ yéndégenó eyigɛ ji ajɔ́ atome ne mende yina gelú wáwálé.” ⁴² Ɛféé ne gejamégɛ bɔ́ áfyɛé metɔ́ ne Jisɔs.

11

Negboné Lasarɔs

¹ Gébégɛ fɔ́, mende fɔ́ abɔ améé, akuú ji nnó Lasarɔs. Ji alu muú Betani. Betani ele melɔ Mɛri

ebwò ne meḡmo wuú Mata. ² Elé Mēri yina ne abò ágbélé nya lamenda né uka Ata, atile ne mejwē wuú. Ji ne meḡmo wuú Lasaròs abò ameeé. ³ Gétúgέ Lasaròs ameeé, aḡme bíí átó meko mbaá Jisòs aké, “Ata mejeé wyéé ayi ògboó ne ji dòó ameeé.”

⁴ Jisòs awúgέ meko ayi alòó ji, aké, “Nemeé eniné Lasaròs ameeé mbò, nepó fò eni netene ji aló nelú ele nnó, bòó áfεge Maá Εσωωò nnó ηgò Εσωωò akwò. Getu εyigembò bòó áfεge nyε Maá Εσωωò.”

⁵ Jisòs agboó ne Mata, ne meḡmo wuu Mēri ne Lasaròs. ⁶ awuge nnó Lasaròs ameeé ama bele né melò ewé ji abò alú wyéé ndò εpea. ⁷ Ne ndò yimbò εpea ekógé, ajòó ne baá utòó bíí aké, “Déma déjye né gebage mewaá Judiya.”

⁸ Baá utòó bíí ájòó ne ji aké, “Ménleré elú dambele ayi bòó bimbò áké áto wò ne mataá áwá, ne wò òkelege nnó déma dékeré ewú?”

⁹ Ajógé mbò, Jisòs ashuú ebwò meko né nekanémejòó aké. “Yéndé bíí uwyaá nchwaneke εfyánéεpeá ne utuú ugi, wa mbò fò wó? Bòó áké ákene ne bíí gbòó, ákparege fò nekwe néndé ágene mbaá. ¹⁰ Yémbò bòó abi akene ne utuú ákpárege nekwe néndé geḡgbò gepó.” ¹¹ Ajógé mbò, aké ne ebwò, “Meḡme se Lasaròs akwe gejya, yémbò me njye ewú nnó pyε ji apeé gejya.”

¹² Ajógé mbò, baá utòó bíí aké ne ji, “Ata mbògé abelé gejya ebyennó alé atoó.”

¹³ Jisòs abò agarege mbò lé ebwò negbone Lasaròs, yémbò ebwò áfere nnó ajógé mbò lé mechò gejya εyigémbò.

¹⁴ Jisòs agare yé ebwò gbògòno aké, “Lasaròs agbo. ¹⁵ Ne metòó εgòó me gétúgέ nyú nnó me mbó mpó fò

εωύ ne ji. Genó εyigé mempye nyε, gepye nyε enyú défyéé metóó ne me chánéné. Kwilege mme déjye dége ji.”

¹⁶ Ajógé mbó, Tómasi maá gefa, ajóó ne atε baá utóó aké, “Kwilege déjye, yé εβε lé negbo, degbo ne ji”.

Jisós afyéé anme Lasarós metóó

¹⁷ Jisós akwonege né meló Bεtani, age nnó aníí Lasarós né mmu εba ntaá ale me ndó eni. ¹⁸ Nekene Bεtani ne Jerosale nelú genóge ηkpa neke εpea. ¹⁹ Ne gejamégé bóó Jus áfé manjwye Mata εbwó ne Meri mmye gétúgé negbone menjmo bwó.

²⁰ Mata awúgé nnó Jisós achwóó, atane ajye bane ji, Meri álá ji né mmu gepú. ²¹ Mata ábánégé Jisós ajóó ne Ji aké, “Ata mbógé wó óbó óβε fa, mbó menjmó wa agboó wó.” ²² Yémbó, yé εβε elé nana, nkaá nnó, yéndégenó εyigé wó ógigé Εσωω, achyεge wó geji.

²³ Ne Jisós ajóó ne ji aké, “Menjmó wyε akwilege nyε né negbo.”

²⁴ Ne Mata aké, “Nkaá nnó akerege nyε meso né geηwá gébégé bóó áké ákwilege nyε né negbo né bíí bi kwyakwya.”

²⁵ Ajógé mbó, Jisós aké, “Me ne mbwyεge bóó ákwilege né negbo, ne me ne nchyεge bóó geηwá. Yéndémuú ayi áfyéé metóó ne me, yé agbo akerege né geηwá. ²⁶ Ne yéndémuú ayi alú meβε, áfyéé metóó ne me ágboó fó, Mata ókamé nnó elé wáwálé?”

²⁷ Mata aké, “Eh Ata nkamé, nnó wó ne ólú Muú yi Εσωω akweré ji elé gefwa, Maá Εσωω ayi ábóó manchwó fa mme.”

Jisós asó manse

28 Mata ajógé mbò, ajye kú menmo wuú Mèri ajóó ne ji bibi aké, “Ménleré achwò, akelege mangε wò.”
 29 Mèri awúgέ mbò, akwilé mme wáwá, ajye bane Jisòs. 30 Jisòs abò alú dankwòne yé né melò, alú wyε né mbaá ayi Mata abané ji. 31 Ne bòó Jus abi alú né mmu gepúge negbo áfyεé Mèri metóó né negbone menmo wuú, ágege ndere Mèri akwilé ka wáwá átane dafye, εbwò ntó ákwilé ákwòle ji, néndé áfere nnó ji ajyεé mbò lé né menome menmo wuú Lasaròs manli negbo.

32 Mèri akwònege, age Jisòs, akwe ji né uka aké, “Ata wò òbò òbe fa, mbò menmo wa abó agboó wó.”

33 Jisòs ágégé ndere Mèri álili chonchó ne bòó Jus abi ákwòlege ji, eta ji mmu ne meshwε akwò ji metóó.

34 Agíí εbwò aké, “Enyú dénií ji éfó?”

Ashuú ji meko aké, “Ata, chwò ge mbaá wuú.”

35 Jisòs asò manse. 36 Bòó Jus bimbo, ágegé mbò, áké, “É é, gege ndere ji abóó gejeé ne Lasaròs.”

37 Yémbò abifò ajógé áké, “Nnó ji muú apyεé muú ame nónómé agene, abó akágé pyε fò nnó Lasaròs agboge?”

Jisòs ape Lasaròs né negbo

38 Ne nchye ama anywòne Jisòs né mmu, afé né menome. Menome εwémbò, elú lé εmbu εbá ntaá, agbe εwú ne ntaá. 39 Jisòs aké, “Ferege ntaá eniné mbò né meno menome.”

Mata menme Lasaròs ashuú ji meko aké, “Ata, agbo mbò ale fina ndò eni, gébé eyi, gebe gebogebo geja gepwò amu.”

40 Ne Jisòs ajóó ne ji aké, “Mata, pó me ngaré na wò nnó òfyεge metóó ne Εsòwò, ògene nyε genó eyigé

utó ba upyεέ?” ⁴¹ Aférégé ntaá ενινé mbɔ, Jisɔs abwεé ame ape mfaá anemmye aké, “Nte wa, ntame wɔ néndé ɔwú mmyemenene ya. ⁴² Nkaá nnó wɔ ɔwuú mmyemenene ya yéndégébé. Yémbɔ, njɔ́ mbɔ gétúgέ bɔ́ abi álú fa, nnó εbwɔ́ ákamé nnó wɔ ne ɔtame me.” ⁴³ Anerege manjɔ́ mbɔ, anyá ne meko metometo aké, “Lasarɔs táné chwɔ fa.” ⁴⁴ Tεnétené yimbɔ, Lasarɔs atane dafye, uka bií ne amu, úlú wye wéwé né mmu uba mandée εbií áni ji né mmye chonchó ne ushu. Ne Jisɔs aké, “Kaáge ji ayye.”

Ajɔ́ geju manwá Jisɔs

(Mat 26:1-5; Mak 14:1, 2; Luk 22:1, 2)

⁴⁵ Ne gejamégé bɔ́ Jus abi ábɔ́ álú εfée áchwɔ́ áchwεé Meri mmyé, ágege ndere Jisɔs apyεé Lasarɔs apeé né negbo, áfyεé matɔ́ ne Jisɔs. ⁴⁶ Yémbɔ, abifɔ́ ájye gare bɔ́ Farasi fɔ́ genó εyigé Jisɔs apyεé. ⁴⁷ Ne anɔ́ ba ampyεé ure εsɔwɔ́ ne ekwɔ́ bɔ́ Farasi fɔ́, ákú ujwɔ́lé, áchomé né eso ájɔ́ aké, “Nana εsé dépyembɔ́ nnó? Mende yina apyεé mbɔ́ ufélekpa ufɔ́ ufɔ́ ayyεé. ⁴⁸ Mbɔ́gé délyage ji nnó ayyεé mbe mampye ubi, melɔ́ meko εfyεé nye metɔ́ ne ji, ne bɔ́ Rom áchwɔ́ chɔ́ nye εcha ure se chonchó ne melɔ́.” *

⁴⁹ Ne muú bwɔ́ ama, ayi akamege Kaifas, ji ne alú etukpe ampye ure εsɔwɔ́ né ηme ενινé mbɔ. Ajɔ́ aké, “Enyú dékage yé genó kanja, ⁵⁰ dekaá fɔ́ nnó elú galógálɔ́ eta nyú nnó muú ama agbo gétúgέ bɔ́ ako epwɔ́ nnó melɔ́ meko énomé wɔ́?” ⁵¹ Mejɔ́ εwé Kaifas ajɔ́ mbɔ, etane fɔ́ jimbɔ́ né

* **11:48** Elú wáwálé nnó: Mbɔ́gé nnó bɔ́ Jus áfyεégé metɔ́ ne Jisɔs, Ji ámmye nye apwɔ́ bɔ́ Rom nnó bɔ́ Jus álaá mmyemmye bwɔ́.

metá wó. Ndere ji alú etukpe ampyéé upé Esòwò né ìmè eniné mbò, Esòwò apyé nnó ji agare nnó Jisós abò magbo gétúgè melò meko. ⁵² Ne epófò gétúgè melò ewú ewú wó, agbo ntó nnó apyé bós Esòwò abi álaá tyátyá né mme meko anywèrè akwè muú ama. ⁵³ Èlò né gébé eyigémbò, ákpakpa bós Jus asò mala ndere ápyéé ne áwa Jisós. ⁵⁴ Né getú eyigémbò, Jisós amáge kè sé gbòhòné né géluage bós Jus. Alyáá Jerosale afé né maá melò fò ayi akuú nnó Èfrém kwókwólé ne mashwòne. Ewúmbò ne ji ne baá utó bíi ájwólége.

⁵⁵ Ne gébége epaá bós Jus ewé ákuú nnó epaá koó upú elá kwókwólé, gejamégè bós afé né Jerosale nnó akpome mmye ndere ebwó apyé mè gemège nnó epaá ewémbò ekwòne. ⁵⁶ Ne ndere ebwò anywèrè né mmu echa upé Esòwò, ápèlè mbògé agène nyè Jisós. Ajóge ne atè áké, “Ènyú dèfèrè mbò nnó? Nnó ji achwós nyè né epaá ewéna waá achwós?” ⁵⁷ Gemège nnó epyembò etukpe ampye upé Esòwò ne ekwò bós Farasi fò, ábò áchyéé mè meko nnó muú ayi akaáge mbaá ayi Jisós alú ágare, ájyè apyé ji.

12

Awáá Jisós mawéé né meló Bétáni (Mat 26:6-13; Mak 14:3-9)

¹ Epaá koó upú elágè ndò ekene, Jisós afè né melò Bétani melò ewé Lasarós muú Jisós apyé ji apèé né negbo ajwólége. ² Èfèé ne anène Jisós ne menyéé. Mata ne afaá menyéé yimbò ne Lasarós alú muú ama né geluage bós abi ájwòlè agií mmye né ekpókpógélé ne Jisós. ³ Ndere ájwòlè mbò, Mèri

akpa ekpómé mawéé Lamenda ami majame nka dǎǎ, amo Jisǎs né uka. Gepú geko geka ne gebegbe lamenda, ne ase mejwe wuú ati uka Jisǎs. Mawéé amina malu mmye po. Akwyeé mami ne genó eyigé akuú nnó, “Nard.” ⁴ Ne Judas Iscarot, maá utǎǎ Jisǎs ama ayi abǎǎ manchyeé Jisǎs mankwaá, agenge geno eyi meri apyembǎ, aké, ⁵ “Mbǎ ákpóó mawéé lamenda amina, áse gejamégé nka, eyi epwǎǎ nka eyi muu akage pye né nme áchyeé mbaá ubyá bǎǎ.” ⁶ Mejǎǎ ewé Judas ajǎǎ mbǎ na, epǎfǎ nnó ji agboó ne ubya bǎ, elé gétúgé ji alú menjǎ ne ajǎǎ mbǎ. Ji ne ábélege mekwa nka baá utǎǎ Jisǎs. Ne gébé eyigé fǎ, ajǎǎ nka wye.

⁷ Judas ajǎǎ mbǎ, Jisǎs aké, “Gǎgé ji abe nyame, ji apyémbǎ nnó me ngboge ánií me niíge. ⁸ Ubyá bǎǎ úlú fa ne enyú yéndégébé, yémbǎ me mbéé nye fǎ ne enyú gébé geko.”

⁹ Ne gejamégé bǎǎ Jus áwúgé nnó Jisǎs alú efeé né melǎ Betani, ákwǎle áfe ewú. Ajye nya fǎ mange lé Jisǎs jimbií wǎ, áfe ntó nnó áge Lasarǎs muú Jisǎs apye ji apeé né negbo. ¹⁰ Ndere elúmbǎ, anǎǎ baá ampyeé ure Esǎwǎ asǎ mala nnó áwa Lasarǎs. ¹¹ néndé elé getú jíí ne gejame bǎǎ Jus ályáá ebwǎ áfyéé metǎǎ ne Jisǎs.

Jisǎs akpe né Jerosale nkane mfwa

(Mat 21:1-9; Mak 11:1-11; Luk 19:28-40)

¹² Bií ujjage, gejamégé bǎǎ abi áchwǎǎ manyé epaá koó upú, áwú nnó Jisǎs achwǎǎ né Jerosale. ¹³ Asǎ mamméé, átane ájye bane ji meti. Awyále áké, “Matame mábé ne Esǎwǎ. Mejé ebé ne muú ayi achwǎǎ né mabǎ Ata. Efwǎ ebe ne Mfwa bǎǎ Isrelí!”

14 Jisɔs agége maá géjuná, akwɔ ajwɔle né mfaá. Ne genó eyigé ábó ásamé né mmu ηwe Εσωω getane wáwálé nnó, 15 “Enyú bɔ́ Sayɔn défɔge, gége mfwa nyú achwɔ́, ajwɔlé mbɔ né mfaá maá géjuná” *

16 Ndere Jisɔs akpene né Jerosale, baá utɔ́ bíí ákaá fɔ́ nnó uno bi ábɔ́ ásame me né mmu ηwe Εσωω úlú wawale wɔ́. Yémbɔ́ gébégé Jisɔs akwɔme ajyéé né mfaánebuú, ne ebwɔ́ ateé nnó abɔ́ asa né mmu ηwe Εσωω nnó unó bina upyéé nye ne ji. Ne ápye ntó ubi ne ji.

17 Ne bɔ́ abí abɔ́ alú ne Jisɔs gébégé ji apye Lasarɔs apeé né negbo, akpa gegare eyigémbɔ́, ájyéé ne geji. 18 Genó eyigé na ne gepye gejamégé bɔ́ ájyéé bane Jisɔs né meti gétúgέ áwuú gepɔge ufélekpa ebi ji apyéé. 19 Ne ekwɔ́ bɔ́ Farasi, ájógé ne ate aké, “Ye mekpo ne ula esé dégene fɔ́ né mechwɔ́ ewe desɔ́ mbɔ́ mala manwa Jisɔs. Gégé, gemege melɔ́ geko gela kwɔle elé ji.”

Jisɔs abɔ́ mbɛ agare negbo nií

20 Né geluage bɔ́ abí ájye né Jerosale manogé Εσωω gébégé epaá koó upú, ne abí ákú ebwɔ́ nnó bɔ́ Grek álú wyε. 21 Bɔ́ Grek bina áchwɔ́ mbaá Filip muú melɔ́ Betsada né gebage mewaá Galilíí, ájɔ́ ne ji áké, “Ata esé dékelege mangε Jisɔs.”

22 Filip awúgέ mbɔ́, ajye gare Andru, ne ebwɔ́ ne Andru ájye gare Jisɔs. 23 Ne Jisɔs ashuú ebwɔ́ meko aké, “Gébé gekwane eyigé bɔ́ ágene nye nnó Maá Nte Mekwaá apwɔ́ amu. 24 Me ngarege enyú wáwálé nnó nyine nchi nelaá wyε nyine nchi

* 12:15 Elú wáwálé nnó: ɔ́pege né Mat. 21:5 né nteé gebagé ηwe ɔ́gené ula Sayɔn.

nemaá, mbɔgé muú alá apεé néní né mme degbo wó. Negboge ne nechíí nefye gejame amε nchi. ²⁵ Muú ayi asele geɲwá jíí nnó geɲεá gemε dɔ́, geɲwá jii genóme nyε mme detu. Ne muú ayi asele nnó geɲwá jíí geɲεá fɔ gemε né mme yina wó, abεé nyε ne geɲwá eyi gélágé byé. ²⁶ Mbɔgé muú akεlege mampyεge utɔ́ ba, abó mankwɔle me. Ne yéndé mbaá ayi me mbεε, muú utɔ́ wa ntó abεé wyéé ne me. Ne yéndémuú ayi apógé me mampyε utɔ́ ba, Nte wa anoge nyε ji.

²⁷ “Nana ufere ba úlú uyaá uyaá. Ewena njɔge mbɔ nnó? Nnεne mbɔ élé mmyε nnó, ‘Nte wa aféré me né efwyale εwé echwɔ́ mbɔ me né mbε waá?’ Ngba, nnεne fɔ mbɔ, néndé ula bi me nchwɔ́ fa mme úlú nnó nge efwyale εwéna. ²⁸ Nte wa, pyε bɔ́ ákaá nnó wɔ ɔpwɔ amu.”

Ajógé mbɔ, meko fɔ atane né mfaánebuú aké, “Me mpyε mé bɔ́ akaá nnó me mpwɔ amu, ne mmage pyε wyεmbɔ.”

²⁹ Ne gejamégé bɔ́ abi átene eféé, áwúgé meko yimbɔ, abifɔ aké, élé nemfe, abifɔ aké, élé ekiénné Eɔwɔ ne εjɔ́ mejɔ́ ne Jisɔs.

³⁰ Ne Jisɔs ajɔ́ ne εbwɔ́ aké, “Meko ayi déwuú mbó alú lé né galógáló nyú, εpófɔ awa. ³¹ Nana, gébé eyigé Eɔwɔ apyεé bɔ́ mme ákpe né unɔ́ mpa gekwɔne, gébé gekwɔne eyigé ábuú danchɔmeló mfwa bɔ́ mme, ³² né geluɔge gefwa jíí. Ne abwεge me né mbaá gekwa, njame nyε bɔ́ ako achwɔ́ eta wa.” ³³ Jisɔs ajɔ́ mbɔ, manlere gefɔge negbo eniné ji agboó nyε.

³⁴ Ne bɔ́ bimbɔ, ájɔ́ aké, “ηwe mabe εɔwɔ agare ese nnó Muú yi Eɔwɔ akweré ji elá gefwa, abε

mebe te kwyakwyaá, epyémbò nnó ne wò òke ábò mambwye Maá Nte Mekwaá né mfaá gekwa, waá álú Maá Nte Mekwaá yimbò?”

³⁵ Jisòs ashuú ebwó meko aké, “Geṅgbò gelú gegenege eta nyú né mboó gébé, kége nana ndere geṅgbò gelú gegenege nnó ékágé gemua gewere enyú. Muú ayi akene né gemua ákágé fò mbaá ayi ji ajoyé. ³⁶ Fyége metóó ne muú ayi achyegé geṅgbò nana ayi ji alú ne enyú, nnó debe bóó abi achyegge geṅgbò. Jisòs ajógé mbò, alyaa ebwó ajoye bií.”

Bóó Jus áshyá wye shyá mamfyé matóó ne Jisòs

³⁷ Ne yé lé Jisòs apye gejamégé ufóó ufélekpa ebwó ágené, áfyéé fò matóó ne ji wó. ³⁸ Epyembò nnó genó eyigé Asaya muú ekpave Èsòwò abò ajóó getane wáwálé. Asaya abò ajóó nya aké, “Ata, ndé muú ákamé ne mekomejóó ayi esé dégere. Ne ndé muú ayi Ata alere ji gefòge utó bi ji awyaá?”

³⁹ Ula bi ebwó alá ákame nya ne mekomejóó yimbò wó, úlú wye ndere, Asaya muú ekpave Èsòwò abò ajóó nya nnó Èsòwò aké, ⁴⁰ “Ngilége ebwó ame nnó ékágé ágene unó ne ame, ne mpye bwó áṅea matóó nnó ékágé ebwó ákaá genó eyigé mekomejóó yimbò ágaré. Èsòwò aké, ‘Me mpye mbò nnó ékágé ebwó áti meso ne gabo bwó, áchwó eta wá nnó me mfere ebwó né efwyale’.”

⁴¹ Asaya ajóó mejóó ewéna ato ne Jisòs, néndé ji abò age me nnó Jisòs abeé nye muú ayi apwóó amu.

⁴² Ne yé elé gejamégé bóó álú abi ála áfyéé fò matóó ne Jisòs wò, abifò áfyé, yé ákpakpa bóó Jus abifò áfyé ntó metóó ne Jisòs, yémbò álerege fò gbògònnó nnó áfyéé metóó ne ji gétúgé áfóó nnó álerege, bóó Farasi ábuú nye ebwó né echa

mmyemenene. ⁴³ Néndé ebwó ágbóo lé nnó akwaá áfεge ebwó ápwá nnó Eσωά ne afεge ebwó.

Mekomejós ayi Jisós agare ne asós nyε mpa bós

⁴⁴ Ne Jisós ajós kenke, aké, “Yéndémuú ayi áfyéé metós ne me, áfyé fós metós ne me mbií wó, afyé ntó ne muú yi atóme me. ⁴⁵ Muú agεgέ me, εbyennó age ntó muú ayi atóme me. ⁴⁶ Me nchwá ndere muú yi alerege gengbó mbaá bós mme, nnó ékágé bós abi áfyéé metós ne me álá kenékéné éké muú ayi alú mmu gemua. ⁴⁷ Mbógé muú awúgέ mekomejós ayi me ngare ne álá apyéé fós genó εyigé me nké ji apyé wó, me njógé fós nnó ji akwe mpa, néndé me nchwós fós fa mensó mpá bós mme wó nchwó lé mamfere ebwó né εfwyale gabo. ⁴⁸ Muú yi ashyaá nnó ji ákágé me, ne álá apyé genó εyigé me njós, genó εyi gesó mpa wuú gelú wyéé. Ne genó εyi gesó mpá wuú né bií bi kwyakwya, elé mekomejós wa ayi ngare. ⁴⁹ Nende Me njógé fós né uto ba. Nte wa muú atóme me agare me genó εyi me njógé ne ndere me mbós manjós. ⁵⁰ Ne nkaá nnó genó εyigé ji aké me ngare gechwós ne genwá εyi gélágé byé. Né getú εyigémbó, me njógé lé genó εyigé Nte wa agare me nnó njós.”

13

Jisós ashwáne uka baá utós bií

¹ Wyε ndere epaá koó upú elaá kwókwólé Jisós akaá nnó gébé εyigé ji alyagé mme yina nnó akere meso mbaá Nte wuú gekwáne. Ne elé ji abós gejeé ne bós bií abi alú fa mme, alere ebwó gefós εyigé ji abós gejeé ne ebwó.

² Ne ndere Jis̄s ajw̄le anyeé menyéé ne baá utóó bíí ne nkwale, danchomeló anyú με μετόό maá utóó Jis̄s ayi ama nnó achyeé Jis̄s man̄kwaá. Akuú maá utóó yimb̄o nnó Judas Iscarot, maá Simun. ³ Jis̄s akaá nnó Nte wuú Εσωω̄ afye ji yéndégenó né amu. Akaá ntó nnó ji ab̄o atane mbaá Εσωω̄ ne ji akerege meso mbaá Εσωω̄. ⁴ Ndere álú ányé menyé, Jis̄s akwile téné, afeé nku yi mfaa abelé. Ani agbogbo né gebwe. ⁵ Afane manaá né mmu geku, al̄o manshw̄one uka baá utóó bíí, ne atile ubi ne agbogbo ayi ji aníí né gebwe. ⁶ Akw̄onégé mbaá Simun Pita, Simun agíí ji aké, “Ata òkelege manshw̄one me uka?”

⁷ Ne Jis̄s ashuú ji meko aké, “Genó eyigé me mpye mb̄o, enyú dékáge f̄o ula nana, meso gébé dékage nyé.”

⁸ Ajógémb̄o, Pita aké, “Ngba, w̄o òb̄o f̄o manshw̄one uka eba w̄o.”

Ne Jis̄s aké ne Pita, “Mb̄ogé me nlá nshw̄one w̄o w̄o, òchome f̄o mbwa ne me.”

⁹ Ajógé mb̄o Simun Pita aké, “Ata òshw̄onege f̄o lé uka ba ubiubi, shw̄one ntó amu ya chonchó ne mekp̄o wa.”

¹⁰ Jis̄s aké, “Muú yi aw̄ó me manaá áb̄o mashw̄one lé uka bíí ubiubi néndé menyammye wuú alu με póp̄o. Ne enyú délu με póp̄o, yémb̄o enyú ako f̄o w̄o.” ¹¹ Jis̄s ajóó mb̄o, ji akaá με muú ayi achyegé nyé ji man̄kwaá, ñkaawu ne ji aké, “Enyú ako dep̄o f̄o póp̄o.”

¹² Ne ji anerege manshw̄one uka baá utóó bíí, ab̄o nku wuú afye, akere ajw̄le ká. Agíí ebw̄o aké, “Enyú dékaá ulaá genó eyigé mepyē mb̄o né enyú?” ¹³ “Enyú dékuú me menlere ne Ata. Enyú

délu cho mankú me mbò, néndé ge muú ayi me nílú mbò. ¹⁴ Ne mbògé me, Ata ne menlere enyú, nshwòne enyú uka, enyú ntó debò manshwònege uka atε. ¹⁵ Me nlere enyú genó eyigé debò mampyege nnó dépyege geji ne atε ndere me mpyéé ne enyú. ¹⁶ Me ngaregé enyú wáwálé nnó, maá utóó aṅéáge fó gеме apwò nte wuu. Yé maá déntóó ntó aṅéáge fó gеме apwò muú ayi atóme ji. ¹⁷ Nana ayi enyú dékaá unó bina, déké dépyéé ubi, débéé ne metóó megómegó. ¹⁸ Me njógé mbò, ntome fó ne enyú ako. Me nkaá ufóó bóó abi me njyaá. Yémbò mpye mbò nnó genó eyigé ásame né mmu ḡwe Esòwò gétáné wawale. Asa wye nno, ‘Muu yi esé ne ji déchome ebwò menyéé, abwólé atene ummye ne me’ ¹⁹ Me ngarege enyú genó eyigé na nana gемеge nnó gepye. Ne gébége gepyege, enyú dekamege nye nnó, ‘Me Nlú gefóge Muú ayi Me Nké Me Nlú.’ ²⁰ Me ngarege enyú wáwálé nnó yéndémuú ayi asεle muú dentóó wa ne metóó megómégó, ebyennó ase mbò lé me mbòó. Ne muú ayi asεle me, ase mbò lé Esòwò muú átóme me.”

*Jisòs abò mbε agare nnó áchyege nye ji mankwaá
(Mat 26:20-25; Mak 14:17-21; Luk 22:21-23)*

²¹ Jisòs ajógé unó bina, metóó esò ji, agare gbògòno aké, “Me ngarege enyú wáwálé, muú nyú ama achyege nye me mankwaá.”

²² Ajógé mbò baá utóó bíí alá meno mekpò fuú ápe atε ne ame ne ame. Akágé yé muú ayi ji ajóó atome ne ji. ²³ Ne maá utóó ama, ayi Jisòs agboó ne ji, agíí mmye né ekpokpogele kwókwólé ne uwyaá Jisòs. ²⁴ Ne Simun Pita anyú meno aké, ne ji “Gíí Jisòs muú ayi ji ajóó mbò atome ne ji.”

25 Ndere maá utóó yimbó, ajwòle agíí kwókwólé ne uwyáá Jisós, akó gemε agíí Jisós aké, “Ata waá achyεge nyε wó mankwaá?”

26 Jisós ashuú ji meko aké, “ele muú ayi me nyuale bréd yina né mmu akpánkpa nchyεge ji. Jisós ajóge mbó abó gekpóge bréd, anyuá né mmu akpánkpa achyε Judas Iscarot, maá Simun.”

27 Tεné tεné ayi Judas asele gekpóge bréd εyigémbó, danchómeló anyú ji metóó. Ne Jisós ajóó ne Judas aké, “Genó εyigé wó ókeleγε mampyε, pyε geji wáwá.” 28 Né geluage bóó abi ajwòle agíí né εkpokpogele, yε muú ama ayi akaá ulaá mejóó ewé Jisós ajóó mbó ne Judas apó. 29 Ne élé Judas ne ábéleγε mekwa ηka bwó. Baá utóó abifó áfere nnó Jisós ajóó mbó lé nnó Judas ajyε ána unó ebifó ebi εbwó ákeleγε. Ela epó mbó wó, ndófó Jisós ajóó mbó lé nnó Judas ajyε achyε genó gefó mbaá ubya bóó.

30 Ne Judas asege gekpóge bréd εyigé Jisós achyε ji, atane afé. Gébé εyigémbó utuú ugi mε.

Εβε meke

31 Judas atanege ajyεge, Jisós aké, “Nana bóó agene nyε ndere Maá Nte Mekwaá apwóó amu. Ne ji apyε nyε bóó age ndere Εσωω apwóó amu. 32 Ne mbógé Maá Nte Mekwaá apyεé bóó age ndere Εσωω apwóó amu, Εσωω ntó apyεé nyε bóó ágé ndere Maá Nte Mekwaá apwóó amu, ne achóó sé gébé. 33 Baá ba, me mbeleγε sé ne enyú dóó, enyú dékeleγε nyε me, ne wyε ndere me mbó ngare ákpakpa bóó Jus, mbóntó ne ngarege enyú nana nnó, ‘Mbaá ayi me nyyε enyú dékage chwó fó wyεé.’ 34 Ajógé mbó, aké, nana nchyεge enyú εβε ewé meké, “Bóógé gejeé ne atε. Ndere me ngboó ne enyú mbóntó ne enyú

deboó mangboge ne ate. ³⁵ Ne mbogé deké débóó gejeé ne ate, yéndemuú ákágé nyε nnó enyú déluú baá utó ba.”

*Jisós agaré ndere Pita áshyáa nyε ji
(Mat 26:31-35; Mak 14:27-31; Luk 22:31-34)*

³⁶ Ne Simun Pita agiú ji aké, “Ata, wó ɔjye εfó?”

Jisós aké, “Mbaá ayi me njye ɔkágé kwɔle me nana, yémbó ɔkwɔlege nyε me meso gébé.”

³⁷ Pita agiú ji aké, “Ata ulannó ne me nla nkágé kwɔle fó wó nana? Me nkpome mmyε mangbó gétú jyéé.”

³⁸ Ne Jisós ashuú Pita meko aké, “Pita nnó ɔkpome mmyε magbo gétú ya? Gó me ngare wó wáwálé nnó gеме nnó menó mekwó akú, wó ɔshyáa nyε máńáne aléé nnó wó ɔkágé me.”

14

Jisós ne alerege meti ewé ejyéé mbaá nte wuu

¹ “Dekamege fó mesome εβε enyú né metóó. Fyεgé metóó ne εsɔwó, fyεgé ntó metóó ne me.

² Baá upú alú gejame né gepúge Nte wa; mbogé abε dampó mbó, mbó me ngare fó enyú mbó wó. Me njye kwyeé melú mbele enyú. ³ Nnerege

mankwyéé melú ewémbó, nkerege, nchwó nse enyú nnó mbaá ayi me mbeé enyú ntó débe wyeé.

⁴ Enyú dékaá meti ewé ejyéé né mbaá yi me njyéé.”

⁵ Ne Tómasi ajóó ne Jisós aké, “Ata ese dékaá yé mbaá yi wó ɔjyéé wó, εpyεmbó nnó ne dékaá meti ewé ejyε wyeé?”

⁶ Jisós ashuú ji meko aké, “Me ne nlú meti ewú. Me ne ngarege bóó wáwálé. Ne me ne nchyege gé genwá. Yé muú fó ákágé chwó fó mbaá Nte wa

mbɔgé alá akoó eta wa wɔ. ⁷ Mbɔgé enyú débɔ dékaá me chánéné, mbɔ debɔ dékaá ntó nte wa. Manló nana déjyεgé mβε, dékaá me ji ne degε me ji.”

⁸ Ne Filip aké, “Ata lere εsé Nte wyε awu, nnó mataó akwene ese mmu.”

⁹ Jisɔs ashuú ji meko aké, “Mbɔ te me nlú mbɔ fana ne enyú, delú dankaá me Filip? Yéndémuú yi agεne me, εbyennó agε ntó Nte wa. Waá ulannó wɔ ɔké me nlere enyú Nte wa? ¹⁰ Enyú dékame fɔ nnó me ncho mmyε ne Nte, ne Nte wa ntó acho mmyε ne me wɔ? Depɔ εtire me njógé mbɔ, detanege fɔ me mbɔó né metɔó, elé Nte wa mmu áchomé mmyε ne me ne apyεé utɔó bíí. ¹¹ Kamege ne me nnó genó εyigé me ngarege enyú gelú wáwálé nnó me ncho mmyε ne Nte wa ne Nte wa ntó acho mmyε ne me. Ne mbɔgé εwéna εla ekwane enyú metɔó wɔ, kamege nnó εlú wáwálé gétúgé ufélékpa εbi me mpyεé. ¹² Me ngarege enyú wáwálé nnó, yéndémuú ayi áfyεé metɔó ne me, apyεé ntó unó bi me mpyεé mbɔ. Yé εβε lé εbi uηea upwɔ εbi, apyε nyε néndé me njyé mbaá Nte wa. ¹³ Ne yéndégenó εyigé enyú dégigé né mabɔ ma, mpyε geji nnó metɔó εgɔ Nte wa gétú ya. ¹⁴ Ndere εlúmbɔ, mbɔgé dégigε yéndégenó né mabɔ ma, mpyεé geji.

Jisɔs anyéméno mantɔ Mendoó Ukpea

¹⁵ “Mbɔgé enyú dégbóo ne me, belege mabe ya. ¹⁶ Dépyεge mbɔ, me nnene nyε mmyε mbaá Nte wa, ne ji atɔme nyε enyú muú majyεé ayifɔ, ayi abε nyε ne enyú te kwyakwya. ¹⁷ Muú majyε yimbɔ elé Mendoó Ukpea muú alerege enyú wáwálé ayi εsɔwɔ. Bɔó mme akamege fɔ ne ji néndé agεne

fó ji ne akage ji. Yémbò enyú dékage ji, néndé ji ajwòlege ne enyú ne alú enyú né mmye. ¹⁸ Njyεge, nlyage fò enyú gelame, nmáge kere nchwò eta nyú. ¹⁹ Ela gachyéé bòó mme amage γε sé me. Enyú ne dégene nyε me. Ne τε ndere me nwyáá γεηwá, enyú ntó debéé nyε ne γεηwá. ²⁰ Bii bimbò ukwònege, enyú dékage nyε nnó mencho mmye ne Nτε, Nτε wa acho mmye ne me, ne me ntó ncho mmye ne enyú. ²¹ Yéndémuú ayi awúgé mabe ya abelégé áji, ji yimbò ne abòó gejeé ne me, Nτε wa ntó abòó gejeé ne ji. Me ntó mbòó nyε gejeé ne ji, ne me mbòó nlerεge nyε gemε ya etaá wuú.”

²² Ne Judas (ayi álá pò fò Judas Iscarot) ajó ne Jisòs aké, “Ata nde gepyεε wò òlerεge gemε jyε lé eta sé, ayi òla òlerεge fò ntó mbaá bòó mme meko?”

²³ Jisòs ashuú ji meko aké, “Muú ayi abòó gejeé ne me, apyε geno εyigé me ngarege, Nτε wa gboó nyε ne ji. Ne εsé ne Nτε wa déchwò bane nyε ji déjwólé ne ji mbaá ama. ²⁴ Muú yi álá agboó ne me, apyε fò geno εyigé me ngarege. Ne unó bi enyú déwuú mbò utane fò membòó né metòó wò, utane lé mbaá nτε wa muú atòme me.

²⁵ “Me ngare mbò enyú unó bina nana yi me nlú ne enyú. ²⁶ Yémbò Nτε wa atòme nyε Menchyéé majyéé né mabò ma. Menchyéé majyéé yimbò élé Mendoó Ukpea achwògé alerεge nyε enyú unó uko ne atée nyε enyú yéndégenó εyigé me ngare enyú.

²⁷ “Ndere me njyε nchyεge enyú nesò, ne nesò na ne me nchyεge enyú. Me nchyεge fò enyú nesò na nkane bòó mme achyεge genó. Dekamégé fò matòó achyεge enyú εfwyale, ne debεge fò ntó ne εfò. ²⁸ Enyú dewú nkane me nké, ‘Me nlyage enyú. Yémbò nmage kere nyε nchwò eta nyú.’

Ɛβεγε nnó ɛnyú débɔ́ gejeé ne me, mbó débέε ne metɔ́ megómégó élé me njyέ mbaá Nte wa muú aɲea gemε apwɔ́ me. ²⁹ Me mbó me mβε ngare ɛnyú unó bina gemεge nnó ubi upyεge, nnó meso gébé, upyεge ɛnyú dekame nnó unó bi me njɔ́ úlú wáwálé. ³⁰ Me mpɔ́ sé ne gejamégé gébé manjɔ́ mejɔ́ ne ɛnyú néndé mfwa bɔ́ mme alé chwɔ́. Ji apó fɔ́ ne ɛshyε apwɔ́ me. ³¹ Yémbɔ me mpyέ lé genó ɛyigé Nte wa agare me nnó mpyε, nnó bɔ́ mme akaá nnó me mbɔ́ gejeé ne Nte wa.

“Kwilege mme déjyεgé.”

15

Genɔge umpome ne mata jii

¹ “Me ne nlú genɔge vin geji ambɔ́, ne Nte wa ne alú muú ayi áchérege geji. * ² Yéndé eta ɛwé etome ne me, mbɔ́gé elá ɛwɔme fɔ́ umpome, ji asɔ́ ɛwuú afɔme mme, ne yéndé eta ɛwé ɛwɔme umpome, ji akwyεge ɛwú nnó ɛwɔme gejamégé umpome. ³ Mekomejɔ́ ayi me ngare ɛnyú apyε ɛnyú dela me pópó eké eta genɔ́ ɛyigé akwyεé. ⁴ Chogé wyε mmyε ne me, me nchome mmyε ne ɛnyú. Eta genɔ́ ékágé wɔ́ fɔ́ umpome mbɔ́gé elá cho mmyε ne mbyɔ́ genɔ́ geji mbɔ́ wɔ́. Wyεmbɔ ntó ne ɛnyú déla dekágé pyε genó gefɔ́ mbɔ́gé dela decho mmyε ne me wɔ́.

⁵ “Me ne nlú genɔ́ ɛyigémbɔ, ɛnyú ntó ne delú mata jii. Muú achogé mmyε ne me, ne me ntó nchoge mmyε ne ji, ji ne apyε nyε gejamégé unó

* **15:1** Elú wáwálé nnó: Né ukwene ηwe menomenyέ, Ɛsɔwɔ abó amεge bɔ́ Israeli nkane mekɔ́ vin ɛwé ji áchérege. Jisɔs jimɔ́ ntó ájɔ́ nnó ji ne alu genɔ́ge vin yimbɔ nana.

néndé me nla mpɔ enyú dékage pye fɔ yé genó. ⁶ Ne muú alá cho mmye ne me wɔ, alú éké eta genóó ewé ásoḡé afomege éwáḡese egbo. Ufóó mata unóó yina anywerege áji áfyε né mewε, áso. ⁷ Mbɔḡé enyú déchogé wyε mmye ne me, ne deké débelege mekomejɔ́ wa né matɔ́ nyú, yéndégenó eyi enyú degige nno Nte wa apye, geji ne ji apyé eta nyu. ⁸ Enyú deké dépye gejamégé unó ulóúló Nte wa abéé ne ḡḡ. Ne ewéna elerege nnó enyú delu baá utɔ́ ba. ⁹ Ndere Nte wa abɔ́ gejeé ne me, mbɔntó ne me mbɔ́ gejeé ne enyú. Bɔḡé wyε gejeé ne ate wyε ndere me mbɔ́ ne enyú. ¹⁰ Mbɔḡé enyú deké depye genó eyige me njɔ́, me mbɔ́ nyε gejeé ne enyú wyε ndere Nte wa abɔ́ gejeé ne me gétúgé mpyéé genó eyigé ji akεlege. ¹¹ Me ngaré enyú unó bina nnó enyú débε ne metɔ́ megɔmegɔ wyε ndere me nwyaá. Ne nnó metɔ́ megɔmegɔ nyú εja epwɔ amu. ¹² Geḡé genó eyigé me nkεlege nnó enyú dépyege na: Bɔḡé gejeé ne ate wyε ndere me mbɔ́ ne enyú. ¹³ Gejeé eyigé cha gepɔ, eyigé muú alerege, eyi gepwɔ́ gejeé eyigé muú ágbóó gétúgé ajeé bíí. ¹⁴ Enyú débεé ajeé ba mbɔḡé dépye unó bi me ngaré enyú. ¹⁵ Me mmagé kú se enyú nnó baá défwε néndé maá défwε ákágé fɔ genó eyigé nte wuu apyεé. Me nkuú enyú ajeé ba néndé yéndégenó eyigé Nte wa agare me, geji ne me nto ngare enyú. ¹⁶ Enyú fɔ wɔ déjyaá me wɔ, elé me ne njyaá enyú ne ntɔme enyú nnó dépyεḡé unó ulóúló ne nnó unó bimbɔ ubεé te kwyakwya. Ne yéndégenó eyi enyú dégige Nte wa né mabɔ ma achyεge enyú geji. ¹⁷ Gege ye mma ngare enyú nnó bɔge gejeé ne ate.

Bɔ́ mme ápaá baá utɔ́ Jisɔ́

18 “Mbɔ́gé bɔ́ mme apaá enyú, kaáge nnó abɔ́ me mbe apa me me ne alé pa enyú. 19 Enyú debɔ́ débé bɔ́ mme, mbɔ́ bɔ́ mme agboó ne enyú eké ate bɔ́ mme. Ne enyú depɔ́ néndé me njya enyú né geluage bɔ́ mme, getu eyigémbɔ́ ne bɔ́ mme apaá enyú. 20 Tege genó eyigé me ngare enyú nnó, ‘Maá défwε anεage fɔ́ gemε apwɔ́ nte wuú.’ Te ndere ebwɔ́ achyε me efwyale, áchyεge nyε ntó enyú efwyale. Ne ebwɔ́ abɔ́ awú mekomejɔ́ wa mbɔ́ áwuú ntó awe nyú. 21 Ebwɔ́ apyε nyε unó bina uko εta nyú gétúgé enyú délu bɔ́ ba. Néndé ebwɔ́ ákágé fɔ́ muú yi atɔ́me me. 22 Me mbe danchwɔ́ gare ebwɔ́ mekomejɔ́, mbɔ́ akwe fɔ́ mpa wɔ́, yémbɔ́ nana yi ngare ebwɔ́ mekomejɔ́ εsɔ́wɔ́, ye meti ewe áboó gabo bwɔ́ epɔ́sé 23 Ne yéndemuú yi apaá me, εbyennó apaá ntó Nte wa. 24 Me mbe dampyε ukpekpe unó né metɔ́ metɔ́ bwɔ́, ebwɔ́ age wɔ́, εbi yé muú fɔ́ álá alú dampyε, mbɔ́ εsɔ́wɔ́ agarege nyε fɔ́ ebwɔ́ nnó ápyε gabo ákwe mpa. Yé ndere ebwɔ́ ágene unó bi me mpyε, ápaá me chonchó ne Nte wa. 25 Unó bina ubɔ́ mampyε nnó, genó eyigé asame né mmu ηwe εsɔ́wɔ́ gebε wáwálé. Ása wyε nnó, ‘Ebwɔ́ ápaá me ula pɔ́.’

26 “Menchyéé majyεé achwɔ́, ji alú Mendoó Ukpεa muú alεrege wáwálé yi εsɔ́wɔ́. Me ntɔ́me nyε ji atane mbaá Nte wa, achwɔ́gé agarege nyε enyú muú yi me nlú. 27 Enyú ntó dégarεge nyε bɔ́ muú yi me nlú néndé delu ne me te ula ulɔ́.

16

1 “Me ngare me enyú unó bina nnó ékágé deja mmyε meso. 2 Ábuú nyε enyú né macha

mmyemenene. Ne gébé gechwóó eyigé yéndemuú yi awáne enyú afelege nnó ji apyembó elé utóó Eṣowó. ³ Apye nye unó bina ne enyú néndé ákágé Nte wa, yé me ntó ákágé. ⁴ Me mbó mbe ngare enyú nnó gébé eyigémbó gekwónége enyú détege nnó me mbó ngare me enyú nnó unó bina upyéé nye.

Utóó bi Mendoó Ukpea epyéé

“Me mbó ngare enyú unó bina mbembe wó, néndé me mbó nlú ne enyú. ⁵ Ne nana me nkerege meso mbaá muú yi atóme me, yémbó yé muú nyú yi agige mme nnó, “Ojye efó?” Apo. ⁶ Ne gétúgé me ngare enyú unó bina, matóó nyú alá meshwemeshwe. ⁷ Yémbó ngarege enyú wáwálé. Elú elé né galógáló awe nyú nnó me njye, néndé me nla njye wó menchyéé majyéé achwóó fó eta nyú. Yémbó me njyege ntóme nye ji achwó eta nyú. ⁸ Achwógé apyéé nye bóó mme akaá nnó ufere bwó né gabo ayi ebwó apyéé úlú gye. Apye nye ebwó akaá nnó ufere bwó né ndere muú abeé cho né mbe ushu Eṣowó úlú gyeé, ne apye nye ntó ebwó akaá nnó uféré bwó né ndere Eṣowó ásóó nye mpa úlú gyeé. ⁹ Né egbe ewé gabo, ebwó alú gyeé néndé áfyéé fó metóó ne me wó. ¹⁰ Né egbe ewé mambe cho né mbe ushu Eṣowó, apye nye ebwó akaá nnó me nlú cho néndé me nkerege meso mbaá Nte wa ne enyú demage ge nye se me. ¹¹ Né egbe ewé mpa ayi Eṣowó ásóó, apye nye bóó mme akaá nnó alu gyeé né gefóó eyigé ásóó mpa wa, néndé danchómeló mfwa bóó mme akwe me mpa.

¹² “Me nlú wyaá gejamégé unó mangare enyú, yémbó enyú dékage gbare nye fó matóó gétúgé ubi. ¹³ Yémbó gébége Mendoó Ukpea muú alerege

wáwálé achwɔge, apye nye enyú dékaá wáwálé meko. Agarege nye fɔ unó bi utanege ji metɔ́, genó eyigé ji awúgέ geji ne ji ágarege. Ne apyéé nye enyú dékaá unó bi upyéé nye meso gébé. ¹⁴ Ji apyéé nye me mbɔ ηgɔ néndé genó eyi getanege me metɔ́ geji ne ji asele agarege enyú. ¹⁵ Yéndé genó eyigé Nte wa awyaá élé eya, getú eyigémbɔ ne me nké genó eyi gelú me metɔ́ geji ne ji agarege nye enyú.

Mesome nyu ela nye lé nechóchó

¹⁶ “Elá gachyéé enyú demage ge sé me, ne emage wyaá sé ntó ndɔ́ enyú degene nye me.”

¹⁷ Ajógé mbɔ, baá utɔ́ bií abifɔ alɔ mangigé ate aké, “Ajó aké, ‘Ela gachye enyú degene sé me,’ ne ama aké, ‘Emage wyaá se ntó dɔ́ enyú dégene nye me’, ula utene mbɔ nno? ne ulaa me njye mbaá nte wa. ¹⁸ Ulaá ela gachyéé utene mbɔ nnó? Esé dekágé fɔ genó eyigé ji ajógé mbɔ.”

¹⁹ Ndere ebwɔ áferege mbɔ, Jisɔs akaá me nnó ebwɔ akélege mangí ji ulaá mejó éwé ji ajó mbɔ. Ajó ne ebwɔ aké, “Enyú degige mbɔ élé ate ulaá mejó éwé me njó nnó, ‘ela gachyéé enyú demage ge sé me ne nnó emage wyaá sé ntó dɔ́ enyú dégene nye me?’ ²⁰ Me ngarege enyú wáwálé nnó enyú delílí nye desɔ́ manse gétúgέ unó bi upye nye. Ne bɔ́ mme ábéé ne nechóchó, Enyú debeé ne masome né matɔ́, yémbɔ masome nyú abwɔlege nye nechóchó. ²¹ Nebyeé neke nemmye mendée, unε ugyalege ji néndé gébé eyigé ji awúú ubale gekwɔne. Ne abyegé me maá, amage te se ubale, abéé élé ne nechóchó nnó ji agbéé muú ama fa mme. ²² Wyεmbɔ ntó ne elú ne enyú. Nana enyú delú ne masome né matɔ́, yémbɔ me mimage ge nye

enyú, ne enyú debéé nyε ne nechóchó né matóó. Ne yé muú ayi akágé fere gefó nechóchó eniné na né matóó nyú ápó. ²³ Bií bi mbó ukwonege, demage gii se me ye mechó fó. Me ngarege enyú wáwálé nnó, yéndégenó eyi degige nte wa né mabó ma, achyεge enyú geji. ²⁴ Kpaá te gébé eyigé na, enyú delu dangií yé genó gefó né mabó ma. Gige achyεge nyε enyú, ne nechóchó nyú nejame nyε kpaá nepwó.

²⁵ “Me ngare enyú unó bina né makamejóó, yémbó gébé gechwóó nyε eyigé me nla ngarege sé enyú depó né makamejóó. Me ngarege nyε enyú uno bi utome ne Nte wa gbogónó. ²⁶ Gébé eyigémbó gekwonege enyú degige nyε Nte wa unó né mabó ma. Me njóó mbó fó nnó ngige nyε Nte wa genó gefó gétúgé nyú wó. ²⁷ Néndé Nte wa jimbóó abó gejeé ne enyú gétúgé enyú debóó gejeé ne me, ne dékame nnó me ntane mbaá Eṣṣwó. ²⁸ Wáwálé me ntane mbaá Nte wa nchwóó fa mme. Nana me lé nlyáá mme nkerege meso mbaá Nte wa.”

²⁹ Ajógé mbó, baá utóó bií aké, “Nana wó olé jóó yé mejóó gbogónó, ójógé sé né makamejóó. ³⁰ Eṣé dékaá nana nnó wó ókaá unó uko, wó ókage ye εbe lé unó bi bóó awyaa né metóó mangií wó. Ewéna epye eṣé dékamé nnó wó otane mbaá Eṣṣwó.”

³¹ Ne Jisṣas ashúú εbwó meko aké, “Pó enyú dékamé ne me, naná? ³² Gébé gechwóó nyε, ne géfií me eyigé enyú ako délaá nyε tyátyá, yéndémuú nyú abóó nyε meti gepú jii, délyáá membií. Yémbó me mpó fó me mbií, Nte wa alú ne me. ³³ Me ngare enyú unó bina nnó enyu delií mmye ne me debe ne nesó. Bóó mme apye nyε enyú degε efwyale yémbó gbarege matóó nyú néndé mmye me mpwó bóó mme.”

17

Jisós anemmye mbad Nte wuú nno apye ji abo ngo

¹ Jisós anerege manjóó unó bina, abwéé amε apε né mfaánebuú, anemmye aké, “Nte wa gébé gekwone pye me maá wyeé mbó ngo nnó me ntó mpye wó abe ne enoge. ² Wó ochyéé me uto bi upwó bóó ako nnó me nchyéé genwá eyi gélagé byé mbaá bóó ako abi wó ochyéé me. ³ Genwá eyi gélagé byé gelu nnó ebwó akaá élé wó mbií muú olu Esowó ayi wáwálé, ne me Jisós Kras muú wó otóme fa mme. ⁴ Mpye wó abó enógé fa né mme, gétúge me nere mampye utóó bi wó ochyéé me nnó mpye. ⁵ Nte wa, pye me mbe ne enóge né mbe ushu wye nana, gefógé enógé ewé me mbó nwyá nya gébégé nlú ne wó, gemεge nnó mme áló.

Jisós anemmye mbad nte wuú gétúgé bad utóó bií

⁶ “Me mpye bóó abi wóó jyaá fa mme ochyéé me akaá wó. Abó álú bóó byéé, wó ochyéé me ebwó ne ebwó ábele mekomejóó wyeé. ⁷ Ne nana ebwó ákaá nnó ufóó unó uko bi wó ochyéé me utane eta wye. ⁸ Ngare ebwó mekomejóó ayi wó ochyéé me, áse ji amu apea ne ákaá wáwálé nnó me ntane eta wyeé ne ákame nnó wó ne otóme me.

⁹ “Nnεnemmye gétúgé ebwó. Nnεne fó mmye gétúgé bóó mme, nnεne lé gétúgé bóó abi wó ochyéé me, néndé álú bóó byéé. ¹⁰ Yéndé genó eyi nwyáá élé ejyéé ne yéndégenó eyi wó owyaá, ele eya. Ne ele bóó bina ne apyéé me mbóó enógé. ¹¹ Mbéé sé fa mme, yémbó ebwó alú fa mme. Nchwóó eta wyeé Nte wa, Muú Ukpea, nnεnemmye nnó wó obame ebwó né uto mabó mmyeé, ami wó ochyéé me, nnó opye ebwó ábé muú ama ndere esé ne wó delu muú

ama. ¹² Gébégé nlú ne ebwó, mbáme ebwó né utó mabɔ ami wɔ ɔchyeé me. Mbá ebwó chánéné, ne yé muú bwó ama anó mme detu wó ekose muú ayi abɔ alú me nnó anome mme detu nnó genó eyigé ásame né mekomejɔ́ wyeé gebɛ wáwálé.

¹³ “Ne nana me nlé chwɔ́ɔ eta wyeé. Ne njógé unó bina ndere me nlú fa mme, nnó mpye ebwó abɛ ne nechóchó gbene wye ndere me nwyaá nechóchó gbene. ¹⁴ Me ngare ebwó mekomejɔ́ wyeé ne bɔ́ mme apaá ebwó néndé ebwó ápófɔ́ mbwa ama ne bɔ́ mme wye ndere me nlá pɔ́ fɔ́ mbwa ama ne bɔ́ mme. ¹⁵ Me nnene fɔ́ mmye nnó wɔ ɔfere ebwó fa mme. Nnene lé nnó wɔ ɔbame ebwó ékágé ebwó akpe né amu muú nchye. ¹⁶ Ebwó apɔ́ fɔ́ mbwa ama ne bɔ́ mme wye ndere me nlá pɔ́ fɔ́ mbwa ama ne bɔ́ mme. ¹⁷ Pye ebwó áchyeé gemége bwó wáwálé eta wye. Ne wáwálé yimbɔ́ elé mekomejɔ́ wyeé. ¹⁸ Ndere wɔ ɔtɔme me fa né mme, mbɔntó ne me ntɔme ebwó. ¹⁹ Me nchye geme ya mampye utɔ́ byéé. Me mpye mbɔ́ gétúgé bwó, nnó ebwó ntó áchyeé gemége bwó wáwálé mampye utɔ́ byéé.

Jisɔs anemmye mbaá Nte wuu gétúgé bɔ́ abi ámáge fyɛ nyɛ metɔ́ ne ji

²⁰ “Me nnene fɔ́ mmye gétúgé baá utɔ́ baá bina ebwó bwó, nnene ntó gétúgé bɔ́ abi áfyɛ nyɛ metɔ́ ne me elé áwuú mekomejɔ́ wye ayi baá utɔ́ ba ágarege nyɛ. ²¹ Me nnenemmye nnó wɔ ɔpyé ebwó ako abɛ muú ama, wye ndere wɔ Nte wa ɔlu muú ama ne me, me ntó nlu muú ama ne wɔ. Pye ebwó abɛ muú ama ne esé nnó, bɔ́ mme ákamé nnó wɔ ne ɔtɔme me. ²² Enógé ewé wɔ ɔchyeé me, ewú ntó ne me nchyeé ebwó. Mpye mbɔ́ nnó ebwó abɛ muú

ama wye ndere esé ne wɔ delú muú ama. ²³ Me nlu muú ama ne ebwó, wɔ ntó ɔlu muú ama ne me. Dépye mbɔ nnó ebwó ntó abe muú ama chánéné. Ndere elúmbɔ bɔɔ mme ákágé nye nnó wɔ ne ɔtɔme me, ne ákágé nye ntó nnó wɔ ɔbɔɔ gejeé ne ebwó wye ndere wɔ ɔbɔɔ gejeé ne me.

²⁴ “Nte wa, nkelege ntó nnó bɔɔ abi wɔ ɔchyeé me, ábe ne me né mbaá yi me mbeé nye, nnó ágé ntó enógé wa. Wɔ ɔchyeé me enógé ewéna gétúgé gejeé eyigé wɔ ɔbɔɔ ne me gemege nnó mme alɔ.

²⁵ “Eh, Nte wa muú ɔlú cho, wáwálé, bɔɔ mme ákágé fɔ wɔ, yémbɔ me nkágé wɔ. Ne bɔɔ bina, abi wɔ ɔchyeé me ákaá ntó nnó wɔ ne ɔtɔme me. ²⁶ Me mpye ebwó ákaá wɔ, ne mpye nye wye ebwó ákágé wɔ yéndégébé nnó gejeé eyigé wɔ ɔbɔɔ ne me ɔbɔ ntó ne ebwó ne nnó me mbe muú ama ne ebwó.”

18

Apye Jisɔs

(Mat 26:47-56; Mak 14:43-50; Luk 22:47-53)

¹ Jisɔs anerege mmyemenene, ji ne baá utɔɔ bíí ályaa melu ewémbɔ, achyaá genkɔ eyigé akuú nnó Kidrɔn ajye kpe mmu maá mekɔɔ fɔ. ² Ne Judas muú achyege nye Jisɔs mankwaá abɔ akaá ntó melu ewémbɔ néndé ebwó abɔ áchómege me wye. ³ Ndere elúmbɔ, ji ase ekwɔ bɔɔ bee ne ambame echa ure Esɔwɔ abi anɔɔ baá ámpyee ure Esɔwɔ ne Farasi átɔme áchwɔ né maá mekɔɔ yimbɔ. Gébégé ájyee ákpomé mmye ne unó ummye, alwée desá ne bɔ akpogéfo. ⁴ Ne elé Jisɔs akaá me yéndégenó eyigé ápye nye ne ji, ake mmye afíí ebwó, agíí ebwó aké, “Ényú dékelege ndé muú?”

⁵ Ashuú ji meko aké, “Dékélege Jisɔs muú Nasarɛt.”

Ji aké, “Me ne nlu ji.” Judas muú achyɛɛ Jisɔs manƙwaá alú ntó eféé tené ne ebwó. ⁶ Jisɔs ajógé ne ebwó nnó, “Me ne nlu ji,” ája mmye meso ákwe mme gbaram. ⁷ Ne ama agiú ebwó aké, “Enyú déke dékége wa?” Aké, “Dékélege Jisɔs muú Nasarɛt.”

⁸ Aké, “Pó me ngare enyú nnó me ne nlu ji? Ne mbógé nnó élé me ne enyú dékége, lyage bɔ́ bina ájyɛ. ⁹ Ajó́ mbɔ́ nnó meko ayi ji abɔ́ ajó́ ábɛ wáwálé. Ji abɔ́ ajó́ aké, Nte yé muú ama ayi anome mme detú né geluage bɔ́́ abi ɔ́chyɛɛ me ápó.”

¹⁰ Ne Simun Pita ajú yé aparanja ayi ji awyaá, asó etu ewé egbé ebwɔnyɛ ewé memfwé etukpe ámpyɛɛ upɛ ɛsɔwɔ. Mabɔ́ memfwé yimbɔ́ makamege Malkɔs. ¹¹ Pita apyegé mbɔ́, Jisɔs ajó́ ne ji aké, “Shwóré aparanja wyɛ yimbɔ́ né mmu mekó, wɔ́ ɔ́kége fɔ́ nnó me nge efwyale ndere nte wa ake nge?”

Afɛ ne Jisɔs mbaá Anas

¹² Ndere elúmbɔ́, muú kpaá bɔ́́ bee ne bɔ́́ bee bií chonchó ne ambame echa upɛ ɛsɔwɔ apyɛ Jisɔs awe ji amu. ¹³ Ase ji ábó mbe afɛ né mbaá Anas nte Mendée Kaifas. Kaifas yina ne alú etúkpe ampɛ upɛ ɛsɔwɔ né nme eniné mbɔ́. ¹⁴ Elé Kaifas yina ntó ne abɔ́ achyɛɛ nya bɔ́́ Jus majyɛɛ nnó, “Elú galógáló nnó muú ama agbo gétúgɛ́ bɔ́́ ako.”

Pita ashya nnó akadgé fɔ́ Jisɔs

(Mat 26:69-70; Mak 14:66-68; Luk 22:55-57)

¹⁵ Simun Pita ebwó ne maá utó́ Jisɔs yifɔ́ ama akwɔle Jisɔs meso. Etukpe ampɛ upɛ ɛsɔwɔ akaá maá utó́ yimbɔ́ chánéné, getu eyigémbɔ́ ályaá maá

utɔ́ yimbɔ akpe ne Jisɔs né mmu dachi etukpe ampyéé upéé Esɔwɔ, ¹⁶ Pita alá né dafye. Nɔere Pita atene né dafye, maá utɔ́ ayi etukpe ampye ure Esɔwɔ akaá ji, aye bane mesɔ mendée ayi alú menombi gébame, ajɔ́ mejɔ́ ne ji ne mesɔ mendée yimbɔ alyaá Pita akpe muu. ¹⁷ Mesɔ mendée yimbɔ né meno gebame agií Pita aké, “Nnó wɔ ɔ́pɔ́fɔ́ maá utɔ́ ama né geluage baá utɔ́ Jisɔs?”

Pita ashúú ji meko aké, “Eeh, me mpó.”

¹⁸ Gébé eyigémbɔ ntó gefwene gemmyéé, baá défwε ne ambame dachi etukpe ásené mewε né dafye átene áwyaá. Pita ntó abɔ alú ne εbwɔ́ áwyaá mewε.

Jisɔs akpe unɔ́ mpa

(*Mat 26:57-66; Mak 14:53-65; Luk 22:54, 55, 63-71*)

¹⁹ Etukpe egií Jisɔs depɔ́ etiré détóme ne baá utɔ́ bií ne unó bi ji álérege. ²⁰ Jisɔs ashúú ji meko aké, “Me njógé me mejɔ́ gbɔgɔnɔ mbaá bɔ́ ako. Me nɔerege unó yéndégébé né mmu macha mmyemenene ne εcha ure Esɔwɔ mbaá ayi bɔ́ Jus ako áchómege. Yé genó gefɔ́ eyigé me njɔ́ bibí gepɔ́. ²¹ Ulannó wɔ ɔ́gigé me bɔ́ nkwe bina? Gií élé bɔ́ abi awuú genó eyigé me ngare εbwɔ́, neńdé ákaá uno bi me njɔ́.”

²² Jisɔs ajógé mbɔ, membame dachi etukpe ayi alu fií ado ji né ushu. Agií ji aké, “Mbɔ ne wɔ ɔ́bɔ́ manshuú etukpe meko?”

²³ Jisɔs ashúú ji meko aké, “Mbɔgé mechɔ́ ewé me njɔ́ elú gyéé, gare gabo ayi me njɔ́. Ne mbɔgé elú cho, ulannó wɔ ɔ́doó me.” ²⁴ Eféé ne Anas atóme yé

Jisós wye amuú wewe mbaá Kaifas etukpe ampye ure Esowó.

Pita ama ashya Jisós manáne epa ne elé

²⁵ Ndere epyembó, Pita abó alú né dafye tené awyaá mewé. Agií ji aké, “Nnó wó ntó ɔpó fó maá utóó ama né geluage baá utóó Jisós?” Pita ashya aké, “Eeh me mpó”.

²⁶ Maá defwe etukpe ampye ureé Esowó ama ayi alú menme muú ayi Pita asóó ji etu, agií Pita aké, “Nnó me nge fó wó né mmu maá mekóó ne mende yimbó wó?” ²⁷ Pita ama ashya wye shyá. Wye né gébé eyigémbó menó mekwó akú kókogólókóó.

Afè ne Jisós mbaá Palet

(Mat 27:1, 2, 11-14; Mak 15:1; Luk 23:1, 2)

²⁸ Bií uyyagé ne dondo gemua mme ákpakpa bóó Jus ase yé Jisós né gepúge Kaifas afè ne ji né echa gomena bóó Rom. Ebwó ambóó akpe wye wó. Apye mbó nnó ékágé ebwó ábé ne deba né mbe ushu Esowó néndé akélege manyé epaá koó upú.

²⁹ Ndere elúmbó Palet muú alú ngomena atané, aké ne ebwó, “enyú deké mende yina apye nnó?”

³⁰ Ebwó ashúú ji meko aké, “Mbógé mende yina apó muú mebo fó wó, mbó esé defye fó ji né amu jye wó.”

³¹ Palet aké ne ebwó, “Sege ji enyú ambóó depa mpa wuú ndere ebe nyú ejóó.” Akpakpa bóó Jus ashúú ji meko aké, “Ebé nyu bóó Rom ekamege fó nnó esé desó mpa nnó áwá muú.” ³² Genó eyigé ebwó ajóó gepye nnó genó eyigé Jisós abó ajóó atome ne gefágé negbo eniné ji agboó nyé getane wáwálé.

³³ Ne Palet akere meso né mmu echa, mfwa akú Jisós agií ji aké, “Wó ne olú mfwa bóó Jus?”

34 Jisɔs aké, “Wɔ mbɔɔ ne ɔfere mbɔ, waá nnó bɔɔ fɔ ne agare wɔ mmu ayi me nlú?”

35 Palet ashuú ji meko aké, “Me, ɔfere nnó me nlú muú Jus? Elé bɔɔ bye ne anɔɔ baá ampye upɛ Eɔwɔ ne afye wɔ ne amu ya. Ndé mechɔ wɔ ɔpyéé?”

36 Ne Jisɔs ashuú ji meko aké, “Gefwa ya gepɔ fɔ eyigé bɔɔ mme. Mbɔge gebɔ gebɛ eyigé bɔɔ mme, mbɔ baá defwe ba ammye nnó ékágé me nkpe né ámu bɔɔ Jus, yémbɔ gefwa ya getane mbaá yicha.”

37 Nɔɔre ji ajɔɔ mbɔ Palet aké ne ji, “Mmyeké wɔ ɔlú mfwa?” Ne Jisɔs ashuú ji meko aké, “Wɔ ɔlú cho manjɔɔ nnó menlú mfwa. Ge ula bi ábyené me mbɔ, ne getu eyigémbɔ ne nchwɔ fa mme nno ngáre bɔɔ wáwálé. Ne yéndémuú ayi agboó ne wáwálé, awuú mekomejɔɔ wa.”

38 Ne Palet agií ji aké, “Wáwálé elé ndé?” Agige mbɔ ama akere meso né dafye, mbaá bɔɔ Jus aké, “Me nge fɔ gabo ayi mende yina apyéé wɔ. 39 Yémbɔ gepɔge nyú gelú nno, yéndé nme gébégé epaá koó upu me mbɔ mamferé muú denɔ ama ndere enyú dékelege. Nɔɔre elúmbɔ nnó enyú dékelege nnó mferé Mfwa bɔɔ Jus?” 40 Palet ajɔgɛ mbɔ, ebwɔ ákalé ne meko metometo, aké, “ɔferege fɔ mende yina fere elé Barabas.” Barabas abɔ alú mmu ayi achyɛge efwyale né melɔ.

19

Bɔɔ bee ájwyagé Jisɔs

(Mat 27:27-31; Mak 15:16-20)

1 Palet achyɛɛ Jisɔs nnó, átule ji ne getó. 2 Ne bɔɔ bee áto ela ewé elú meshií áfaá Jisɔs né mekpo, áfyɛ ji nkúu megélé né mmye eke mfwa. 3 Ajwyage ji

aké, “Geñwá gétyεέ getyεέ geβε ne wᵔ Mfwa bᵔᵔ Jus” ne ádo ji ukpε kpe né ushu.

⁴ Palet ama akere achwᵔ ajᵔᵔ ne bᵔᵔ bimbo aké, “Nana me nchwᵔ ne ji né mβε ushu nyu yémbᵔ kaáge nnó me nγε fᵔ gabo ayi ji apyεέ wᵔ.” ⁵ Jisᵔs atane né dafye ne εla εwé εlú meshíí meshíí né mekpo ne nkúu megélé né mmyε. Ne Palet ajᵔᵔ ne bᵔᵔ bimbo aké, “Gεgé mende yimbᵔ na.”

⁶ Anᵔᵔ baá ampyε upε εsᵔwᵔ ne ambame εcha upε agege Jisᵔs, alᵔ makale ne meko metometo aké, “Áwᵔ ji né gekwa, áwᵔ ji né gekwa.” Ajᵔgé mbᵔ,

Palet ajᵔᵔ ne εbwᵔ aké, “Enyú ambᵔᵔ sεge ji dewᵔ né gekwa, néndé me nγε fᵔ gabo ayi ji apyεέ wᵔ.”

⁷ Yémbᵔ bᵔᵔ Jus atome wyε εshyε ajᵔgé aké, “Esé déwya εβε εwé εjᵔᵔ nnó ji abᵔ magbo. Néndé ji aké alú Maá εsᵔwᵔ.”

⁸ Palet awúge mechᵔ εwéna, εfᵔ ekwᵔ ji metᵔᵔ dᵔᵔ.

⁹ Akere meso né mmu εcha wuú, ama agíí Jisᵔs aké, “Wᵔ ᵔtane εfᵔ?”

Yémbᵔ Jisᵔs ashúú ji meko wᵔ. ¹⁰ Ne Palet ajᵔᵔ ne Jisᵔs aké, “Wᵔ ukelege fᵔ manjᵔᵔ mejᵔᵔ ne me? Wᵔ ᵔkaá fᵔ nnó me nwyaá utᵔ manlyaá wᵔ ᵔjye ne nwyaá uto manwᵔ wᵔ né gekwa wᵔ?”

¹¹ Jisᵔs ashúú ji meko aké, “Wᵔ ᵔpᵔfᵔ ne utᵔ mampyε me genᵔ mbᵔgé uto bimbo ulá utane fᵔ né mfaánebuú wᵔ. Ne getu εyigémbᵔ muú ayi afyεέ me né amu nyú, gabo awuú aᵔea apwᵔᵔ.”

¹² Palet awúge mbᵔ, abᵔ akεle meti nnó ályaá Jisᵔs ajyεέ yémbᵔ bᵔᵔ Jus akalege aké, “Mbᵔgé wᵔ ᵔlyage mende yina, εbyennᵔ wᵔ ᵔpᵔ fᵔ mejeé Sesa. Yéndémuú ayi asele geme jíí nnó alú mfwa εbyennᵔ akεlege mankare gefwa ne mfwa Sesa mfwa Rom.” ¹³ Ne Palet awúge mejᵔᵔ εwéna, aε

Jisṓs afē ne ji né dafye. Jimbṓs ajwṓlé né geluṓge mpa né mbaá ayi ákuú nnó, “Melu Mataá.” (Né Hibru ákuú mbaá yimbṓ nnó “Gabata.”) ¹⁴ Bii bimbṓ úlú elé bií bi bṓs Jus akpomege mmye manyé epaá koó upu. Ne metṓs ḡwṓmese, Palet ajṓs ne ebwṓ aké, “Gége Mfwa nyú na.” ¹⁵ Yémbṓ ebwṓ ákálé aké cho ne ji ewú, cho ne ji ewú, awṓ ji né gekwa. Ne Palet ama ḡí ebwṓ aké, “Dékelege me nwṓ mfwa nyú né gekwa?” Anṓs baá ampye ure Eṣṓwṓ, aké, “Eṣé depṓ sé ne mfwa yicha ekosé Sesa wṓ”. ¹⁶ Ne kwyakwyaá, Palet achyee yé Jisṓs né amu bwṓ nnó áwṓ ji né gekwa. Bṓs bee ásé Jisṓs áfé ne ji.

Awṓ Jisṓs né gekwa

(Mat 27:32-44; Mak 15:21-32; Luk 23:26-43)

¹⁷ Jisṓs jimbṓs ne akpane gekwa jii afé né melú ewé ákuú nnó, “Melú Ũḡkókó makpo.” (Bṓs Hibru akuú ntó melu ewémbṓ nnó “Golgota.”) ¹⁸ Elé né melu ewéna ne awṓme Jisṓs né gekwa. Awṓ ntó anjo makpo apea né ebi bwṓ ukwa. Awṓ ama né egbé ebwṓebe, ama egbé ebwṓnye ne Jisṓs né metṓs metṓs. ¹⁹ Palet asá ntó genó gefṓ aba né mekpo gekwa eyigé áwṓmé Jisṓs. Asá wyéé nnó, “Jisṓs muú Nasaret Mfwa bṓs Jus.” ²⁰ Ne gejaméḡé bṓs Jus ájṓḡé genó eyigé ásamé ábalé né mfaá mekpo gekwa néndé mbaá ayi awṓme Jisṓs né gekwa alú kwṓkwṓlé ne Jerosalé. Asa mansa ḡwe amimbṓ né mekṓmejṓs Hibru, Latin ne Grek. ²¹ Anṓs bá ampyeé ure Eṣṓwṓ, ájṓs ne Palet aké, “Ṗsage fṓ nnó Jisṓs alú mfwa bṓs Jus, sa elé nnó ji ajṓs aké, ‘Me nlu mfwa bṓs Jus’.”

²² Ne Palet aké ne ebwṓ, “Genó eyigé me nsame, nsa me.”

23 Bɔ́ bee ánerenge manwɔ́ Jisɔ́s né gekwa abɔ́ mandée jíí akare malu ani yéndémuú bee ase melu ema. Ase nto nku wuú ayi jí áfyéé ne áfyéé ewule. Nku yimbɔ́ apɔ́ ne nkɔ́mé. 24 Bɔ́ bee bimbɔ́ ajɔ́ ne ate aké, “Dekarege fɔ́ nku yina, déñmeé lé megyaá wyéé mankaá muú ayi aselé jí.” Apyé mbɔ́ nnó genó eyigé ásame né mekomejɔ́ Éswɔ́ gebe wáwálé. Asa wyé aké, “Akare mandée ya áfyé ate amu, áse nku wa áñme megyaá wyéé.” Gé genó eyigé bɔ́ bee ápyembɔ́.

25 Ne bɔ́ fɔ́ abi atene kwókwólé ne gekwa eyi awɔ́me Jisɔ́s wyé, élé mma Jisɔ́s, meñme mma Jisɔ́s ayi mendée, Méri mendée Klopas, ne Méri Magdala. 26 Jisɔ́s ágegé ndere mma wuú átene eféé kwókwólé ne maá utɔ́ ayi jimbɔ́ Jisɔ́s agboó ne jí dɔ́, ajɔ́ ne mma wuú aké, “Mma, gé maá wyé na.”

27 Ne ajɔ́ ntó ne maá utɔ́ yimbɔ́ aké, “Gé mma wyé na.” Elɔ́ né gébé eyigémbɔ́ maá utɔ́ yimbɔ́ ase mma Jisɔ́s afe ne jí né gepú jíí, nnó ajwɔ́lege ne jí.

Negboné Jisɔ́s

(Mat 27:45-56; Mak 15:33-41; Luk 23:44-49)

28 Ewyagé, Jisɔ́s akaá nnó jí anere me yéndégenó eyigé jí abɔ́ mampyé, ne nnó genó eyigé mekomejɔ́ Éswɔ́ ajɔ́ gebe wáwáale, ajɔ́ aké, “Mnwólé manaá epyéé me.”

29 Eké epyéémbɔ́, nkɔ́ fɔ́ alú eféé, ayi áfyé mmɔ́ amí mamýáme magbeé wyéé. Ase ekochá, ányua né mmu mmɔ́ amibɔ́, áfaá né eta maá genɔ́ eyigé akuú hisɔ́p, ábwéé até Jisɔ́s né ubɔ́ meno. * 30 Ne gébégé Jisɔ́s anyú mmɔ́ amimbɔ́ aké, “Nnere utɔ́

* 19:29 Elú wáwálé nnó: Jɔn afyé genóge hisɔp né ñwe wuú gétúgé genó eyigé apyéé ne jí gébégé epaá koo upú.

ba.” Ajógé mbò, amo mekpo mme, afye gemε jíí né amu Nte wuú Eσωω.

³¹ Bií bimbò, ele bií ebi bòó Jus ákpomege mmyε manyé uwyaá bwó. † Ebwó akεlege fó nnó bií bimbò ubane uηkwò bòó abi awòme né ukwa. Ajye jòó ne Palet nnó achyεé εbwó uto ájye ákòre uka bòó bimbò né mfaá ukwa, áfere uηkwò εbwó. ³² Ne bòó bee achwó akòre uka bòó apea abi awòme εbwó ne Jisòs. ³³ Achwògé mbaá Jisòs, ákòre sé uka bií wò néndé age nnó ji agbo με. ³⁴ Yémbò muú bee ama ajo εgbe amba wuú ne nekò. Tenétené yimbò manoó ne manaá matanege. ³⁵ Muú yi agene unó bina ne agaré. Ne unó bi jí agare úlú wáwálé. Ne jimbòó akaá nnó ji agarege wáwálé nnó apye enyú ntó défyε metòó ne Jisòs. ³⁶ Unó bina upye nnó genó eyigé ásame né mmu ηwe Eσωω ube wáwálé. Ása wye aké, “Yé gegoó jíí gemma akòó fó.” ³⁷ Ne ama ása ntó né melu ηwe Eσωω ewé fó aké, “Apele nye muú ayi εbwó ájomé.”

Aníí Jisòs

(Mat 27:57-61; Mak 15:42-47; Luk 23:50-56)

³⁸ Unó bina upyεge, Josef muú melò Arimatya ajye gíí ne Palet nnó agò jí afere genkwógé Jisòs né gekwa. Josef abò alú maá utòó Jisòs ama, yémbò akwòlege jí bibíí néndé afòó ákpakpa bòó Jus. Palet akamege, Josef ajye fere genkwógé Jisòs né gekwa afé ne geji. ³⁹ Josef afé εbwó ne Nikodemus muú abò achwó gé Jisòs ne utuú. Nekodemus achwó ntó ne gejamégé maka gebε. Akwyéé mami ne unó bi akuú nnó merrh ne alose. Manòó genógé bò

† **19:31** Elú wáwálé nnó: Uwyaá bina, úlú lé uwyaá kpaá néndé ukwe gébégé epaá koo upu.

kilo usaá upea meso efya. ⁴⁰ Ebwó ákpa genkwógé Jis̄s, afyεge ji unó ebimb̄o ne mmyε aní ne éshyé ndeé. Gé mb̄o ne b̄óó Jus ákwyεge genkwógé muú ne aníí. ⁴¹ Né mbaá yi aw̄ome Jis̄s né gekwa, maá mek̄ó alú wyε. Né mmu maá mek̄ó yimb̄o ntó, menome meke ewé alá alú danií muú f̄o eb̄o elú wyε. ⁴² Aníí Jis̄s né mmu menome ewémb̄o néndé mbaá yimb̄o, alu kwókwlé. Ne bií bimb̄o ntó b̄óó Jus ákpomege mmyε nnó bií uyyage ebwó ányé uwyaá bwó.

20

Menome εla mewa

(Mat 28:1-10; Mak 16:1-10; Luk 24:1-12)

¹ Bií mbε né uwyaá, ne dondo gemua mme Meri muú melo Magdala afé né menome ewé abó aníí Jis̄s. Ajyεge, age nnó áferé ntaá eniné abó ákweré embú menome. ² Ndere ágene mb̄o Meri muú melo Magdala abó gatélé akere ajye garé Simun Pita ebwó ne maá ut̄ó ayif̄o ayi Jis̄s ágboó ne ji d̄óó aké, “Afere Ata né mmu menome, ne εsé dékaá f̄o mbaá ayi ájye belé ji wó.”

³ Ajógé mb̄o, Pita ebwó ne maá ut̄ó yimb̄o átane áfe né menome. ⁴ Ndere ájye, álómege gatεle. Yémb̄o maá ut̄ó yimb̄o alome apw̄o Pita, ne abó mbε akw̄one né menome. ⁵ Akw̄onege wyε, asé mmyε mme ape né mmu menome, age ubaá éshyé ndeé εbi abó aníí Jis̄s ne ubi yémb̄o, akpe f̄o né mmu menome wó. ⁶ Ne Simun Pita muú ab̄o alú meso akw̄onege, akpe né mmu menome, age ubaá éshyé ndeé ebimb̄o eféé. ⁷ Agé ntó gebagé ndeé eyigé ab̄o aníí Jis̄s né mekpo ndere gelú pwipwi né mbaá awuú cha. Epófó mbaá ama ne uba éshyé

ndee ebimbɔ. ⁸ Ne maá utɔ́ ayi abɔ abɔ́ mbe akwɔne né menome, akpe ntó né mmu menome Jisɔs, age unó bi upye, akame nnó elú wawale. ⁹ (Yé elé ebwɔ́ ágene unó bina, álu wye dankaá genó eyi mekomejɔ́ Ɛsɔwɔ́ abɔ ajɔ́ nnó Jisɔs abɔ mankwilé né negbo.) ¹⁰ Ne baá utɔ́ bií agege mbɔ áma akere meso né upú bwɔ́.

Jisɔs alere mmye mbaá Meri Magdala

¹¹ Yémbɔ Meri alá dafye téné né alilé. Ndere alilé abyélé mmye mme apé né mmu menome, ¹² age makiénné Ɛsɔwɔ́ apea ne mandeé pópó mmye, ájwɔle né mbaá yi abɔ ábelé genkwógé Jisɔs. Ɛma né mekpo, ɛma né uka. ¹³ Makiénné yimbɔ, agíi Meri áké, “Mma wɔ́ ɔlilé ndé?”

Ashuú ebwɔ́ meko aké, “Akpa Ata wa ne me nkaá fɔ́ mbaá yi ájye bele ji wɔ́!” ¹⁴ Ajógé mbɔ, abwɔ́lé mmye ake apele age ndere Jisɔs atene, yémbɔ akaá fɔ́ nnó elé Jisɔs ne atene mbɔ wɔ́. ¹⁵ Jisɔs agíi ji aké, “Mma wɔ́ ɔlilé ndé? Ndé muú wɔ́ ɔkelege?”

Meri afere nnó elé mbɔ́ maá mekɔ́ yimbɔ ne ji age ne mbɔ, ajɔ́ ne ji aké, “Ata mbɔ́gé wɔ́ ne ɔkpane genkwɔ́ jii lere me mbaá ayi wɔ́ ɔbele geji, me njye mkpa.”

¹⁶ Ajógé mbɔ, Jisɔs akú ji aké, “Meri” abwɔ́lé mmye ape Jisɔs, ajɔ́ né mekómejɔ́ Hibru aké, “Rabɔni” (ula Rabɔni utené nnó “Ménleré.”)

¹⁷ Jisɔs ajɔ́ ne ji aké, “Ɔtage me, néndé me nlú dankwɔ́ njye mbaá Nte wa. Cho gare elé anmé ba nnó me nlé nkɔ́ njyé mbaá Nte wa muú alú Nte nyú ntó. Ɛsɔwɔ́ wa ne Ɛsɔwɔ́ nyú ntó.”

¹⁸ Meri muú melo Magdala ajye gare baá utó Jisós aké, “Me nge Ata.” Ne agare ntó ebwó unó bi ji ajó ne ji.

Jisós alere mmye mbaá baá utó bií

(Mat 28:16-20; Mak 16:14-18; Luk 24:36-49; Anḡ 1:6-8)

¹⁹ Né nkwalé bií mbe né uwyaá, baá utó Jisós ányweré mbaá ama, ágbε mano mbií néndé áfó bó Jus. Ne Jisós akpe atené né metó metó bwó aké, “Nesó nébé ne enyú.” ²⁰ Ajógé mbó, alere ebwó mabome upa né amu jii ne εgbε mmye wuu. Baá utó bií ágege ji mbó alu ne nechóchó ndere ágené Atá. ²¹ Jisós ama ajó ne ebwó aké, “Nesó nebe ne enyú, ndere Nte wa atome me, mbóntó ne me ntome enyú.” ²² Ajógé mbó afó ebwó gejulé né mmye aké “Sege Mendoó Ukpea. ²³ Yendemuu ayi enyu dejigente gabo wuu, Esowó ajigente gabo muu yimbó, ne yende muu ayi enyu dela dejinte gabo wuu wó, Esowó nto ajige fó nte gabo wuu.”

Jisós alere mmye mbaá Tómasi

²⁴ Gébége Jisós achwó lere mmye mbaá baá utó bií, ḡgba wuu ama né geluage abi áfyanéápeá ayi akuú ji nnó, Tómasi maá gefa abó apó. ²⁵ Tómasi achwóge baá utó abifó ágare ji aké, “Ese degε Ata.”

Tómasi aké, “Me nla ngé fó mabome upaá mpi né maka amu jii me nta enó ebwó wa wyε, mma nta nto ebwó wa né nebomé gepa eníí nélú ji né égbé amba wó me nkamege fó.”

²⁶ Ndó eneé ekógé, baá utó Jisós ama anywere, né mmu gepú. Ne Tómasi alu ne ebwó. Agbé manombi, ne aké apele Jisós achwó tene né metó metó bwó aké, “Nesó nebe ne enyú.” ²⁷ Ajó ntó ne

Tómasi aké, “Fyε ενῶβω wyéé fa. Pε amu ya. Nyaá εβω wyéé ῶτα εgbε amba wá. Ὁβεγέ sé ne dembyῶ kamé wyε kamege ne me.”

²⁸ Ne Tómasi ashúú ji meko aké, “Ata wa ne Εσωῶ wa.”

²⁹ Jisῶs ajῶῶ ne ji aké, “Ελέ wῶ ὄgene me, ne ὠkame nnó ελέ me? Μετῶῶ megῶmegῶ εβεέ ne βῶῶ abi álá αγε me wῶ, yέmbῶ áfyéé matῶῶ bwῶ ne me!”

Ula bi asame ηwe yina

³⁰ Ne Jisῶs apyε gejaméγé upῶῶ ufélekpa né mβε ushu baá utῶῶ bií εbi álá ása fῶ ubi né mmu ηwe yina wῶ. ³¹ Yέmbῶ ása lé bina nnó upyε enyú dékamé nnó Jisῶs ne alú Muú yi Εσωῶ akweré ji ελά gefwa, nnó ji alú Maá Εσωῶ. Ne nnó dekamege mbῶ debῶῶ genῶwá eyi gélágé byé gétúgέ mabῶ mií.

21

Jisῶs alere mmyε mbaá baá utῶῶ bií akeneama

¹ Mboῶ ndῶ fῶ ekoge, Jisῶs ama alere mmyε mbaá baá utῶῶ bií né εβεέ mega εwé ákuú nnó Tibεras. Gé na ne Jisῶs alere mmyε mbaá baá utῶῶ bií. ² Simun Pita, Tómasi maá gefa, Nataniel muú melῶ Kana né gebage mewaá Galilíí, baá Σεβεdee ne baá utῶῶ abifῶ makpo apea ábῶ álú mbaá ama. ³ Ne Simun Pita ajῶῶ ne εbwῶ aké “Me nkelege manjyε ntofῶ.”

Εbwῶ ntῶ aké, “Εse ntῶ déjyε ne wῶ.” Εbwῶ ako ajyε kpε mmu εκπεέ. Né utuú bimbῶ yé genῶ εbwῶ áwa wῶ. ⁴ Nδere bií uyyage, Jisῶs achwῶ atene né mapea εβεε mega, baá utῶῶ bií agege ji akaá fῶ jí wῶ ⁵ Jisῶs akú εbwῶ aké, “Baá ba, déwaá meshuu fῶ wῶ?” Εbwῶ áshuú ji meko, “Déwa wῶ.”

⁶ Ajóó ne εβωό aké, “Njmgéé ntofo nyú né εgβε εβωωνγε ékpe, déwane nyε meshuú.” Añmgéé, meshuú eyi εsele, εpωω εβωό manja afye mmu ékpe néndé εja dóó.

⁷ Εpyege mbó, maá utóó ayi Jisós abóó gejeé ne ji dóó, ajóó ne Pita aké, “Muú ayi ajóó mbó ne εsé elé Ata.” Simun Pita awúge ndere maa utóó yimbó ajóó ake “Muú ayi ajóó mbó mejóó ne εse ele Ata” Akwyε afye mandeé mmyε (néndé abó afere áji) Anyo achóó né nnyi. ⁸ Baá utóó abifóó alá né mmu εkpeé ajame dansa ne gejaméé meshuú eyi elú wyε nnó achwóó né mapea nnyi. Mantane né mapea nnyi ókwóne mbaá ayi εβωό ajame dansa alú genóóé matyεé amu usaá upea meso εfyá. ⁹ Ajágé dansa yimbó akwónege né mapea nnyi, age ujenjeé mewε ne bréd wyε nεre. ¹⁰ Jisós ajóó ne εβωό aké, “Chwóge me ne meshuú fó eyi εnyú déwane mbó.”

¹¹ Simun Pita akwó akpe mmu εkpeé aja dansa yémbó achwóó ne ji né mewaá. Dansa yimbó ag-beé ne gejaméé meshuú kpakpa. Meshuú elú usaá ukenéama meso εfyane ελεé (153). Ne yé elé meshuú εjame, dansa yimbó agyalé wó. ¹² Ne Jisós ajóó ne εβωό aké, “Chwóge dégbaré unε dondo”. Ne yé maá utóó ama ayi añea metóó mangií ji nnó, “Ólu wa?” apó; néndé εβωό ákaá nnó elé Ata. ¹³ Jisós ajye bó bréd yimbó ne meshuu ntó achyεé εβωó.

¹⁴ Gé manáne aléé na ayi Jisós alere mmyε mbaá baá utóó bíí gébéé ji akwilé né negbo.

Jisós ajóó ne Pita nnó mbógé abó gejeé ne ji apyε utóó bíí

¹⁵ Eɓwɔ anerege mangbaré unɛ, Jisɔs agíí Simun Pita aké, “Simun, maá Jɔn nnó wɔ ɔbɔ gejeé ne me dɔ́, ɔpwɔ abifo na?” Ne Pita ashuú Jisɔs meko aké, “Eh Ata, wɔ ɔkaá nnó me mbɔ gejeé ne wɔ.”

Jisɔs ajɔ́ ne ji aké, “Pele baá magɔɔme ya.”
¹⁶ Jisɔs ama agíí ji manáne apea aké, “Simun Pita maá Jɔn nnó ɔbɔ́ gejeé ne me?”

Pita akame aké, “Eh Ata wɔ mbɔ ɔkaá nnó mbɔ́ gejeé ne wɔ”. Jisɔs aké, “Pele magɔɔme ya”.¹⁷ Ama agíí Pita ne manáne ayi ágbeé aléé aké, “Simun maá Jɔn nnó wɔ ɔbɔ gejeé ne me.”

Agigé mbɔ, metɔ́ ɛsɔ Pita gétúgɛ agíí ji té manáne alɛɛ nnó, “Pita nnó wɔ ɔbɔ gejeé ne me?” Getu ɛyigɛmbɔ Pita ashuú ji meko aké, “Ata wɔ ɔkágé unó uko, ɔkaá chánéné nnó me mbɔ gejeé ne wɔ.” Jisɔs ajɔ́ ne ji aké, “Pele magɔɔme ya.”¹⁸ Ngarege wɔ wáwálé nnó, “Gébégé wɔ ɔlu gesage muú, wɔ mbɔ́ ɔfyɛ mandeé ɔjyɛ́ yénde mbaá ayi wɔ ɔkelege, yémbɔ gébégé ɔkwɔge ukóó, ula bwyɛ élé amu mfaá ne élé muu yicha ne afyɛ́ wɔ mandeé ágbárege wɔ eɓwɔ aja wɔ meti ɔjyɛɛ mbaá ayi wɔ ɔlá ɔkelege fɔ manjyɛ.”¹⁹ Jisɔs ajɔ́ mejɔ́ ɛwéna ne Pita mampyɛ ji ákaá gefɔge negbo ɛniné Pita agboó nyɛ ne achyɛ́ ɛsɔwɔ ɛgɔ. Jisɔs ajɔ́gɛ mbɔ aké ne Pita, “Kwɔle me.”

²⁰ Pita abwólége mmyɛ, age ndɛre maá utɔ́ ayi Jisɔs abɔ́ gejeé ne ji dɔ́ akwɔlege eɓwɔ́. Elé maá utɔ́ yina ne abɔ ajwólé nya agíí Jisɔs né ɛgbe mmyɛ, gébégé eɓwɔ́ anyɛ́ menyɛ́, agíí Jisɔs nnó, “Ata ndé muú wɔ ɔke achyɛge nyɛ wɔ mankwáá?”²¹ Pita agége ji agíí Jisɔs aké, “Ata ji ntó yé?”

²² Ne Jisós ashuú Pita meko aké, “Mbógé me nkεlege nnó ji abε meβε kpaá τε me nchwóó, wó óbó ndé mechó wyεέ? Wó kwóle élé me.”

²³ Ajógé mbó, mechó εwéna εκε εκwone mbaá baá utóó abifó nnó Jisós aké maá utóó yina agboó fó. Yémbó Jisós ajóó fó nnó maá utóó yimbó agboó fó wó. Ajóó élé nnó, “Mbógé me nkεlege nnó ji abε meβε kpaá τε me nchwóó, óbó ndé mechó wyεέ?”

²⁴ Γε élé maá utóó awú ne agarege unó bina. Asá ubi né mme ne εsé dékaá nnó unó bi ji agarege úlú wáwálé.

²⁵ Gejamege unó εbifó úlú ntó εbi Jisós apyεé. Mbógé abó ása ubi uko né mme, mbó melú εβεέ fó fa mme εwé ábélege bó ηwe abi ásame ubi.

Ν_{WE} menomenyεέ mekέ
New Testament in Denya (CM:anv:Denya)

copyright © 2010 Wycliffe Bible Translators, Inc.

Language: Denya

Translation by: Wycliffe Bible Translators, Inc.

Copyright Information

© 2010, Wycliffe Bible Translators, Inc. All rights reserved.

This translation text is made available to you under the terms of the Creative Commons License: Attribution-Noncommercial-No Derivative Works. (<http://creativecommons.org/licenses/by-nc-nd/3.0/>) In addition, you have permission to port the text to different file formats, as long as you do not change any of the text or punctuation of the Bible.

You may share, copy, distribute, transmit, and extract portions or quotations from this work, provided that you include the above copyright information:

You must give Attribution to the work.

You do not sell this work for a profit.

You do not make any derivative works that change any of the actual words or punctuation of the Scriptures.

Permissions beyond the scope of this license may be available if you contact us with your request.

The New Testament

in Denya

© 2010, Wycliffe Bible Translators, Inc. All rights reserved.

This translation is made available to you under the terms of the Creative Commons Attribution-Noncommercial-No Derivatives license 4.0.

You may share and redistribute this Bible translation or extracts from it in any format, provided that:

You include the above copyright and source information.

You do not sell this work for a profit.

You do not change any of the words or punctuation of the Scriptures.

Pictures included with Scriptures and other documents on this site are licensed just for use with those Scriptures and documents. For other uses, please contact the respective copyright owners.

PDF generated using Haiola and XeLaTeX on 11 Nov 2022 from source files
dated 29 Jan 2022
c1c6a10b-c0b1-5242-bb46-153e2e25ddc7